


Esumana Yanamiloko

mithanu na miili Ya Daniyeli

 Kooxukhuru, vanci-ene, Munna Neville. Mooxeleliwa, apatthani. Oreeriwa otthikela-tho va mutapernakulu voosiis'ula, wira nitthikele Mutthak'ola muulupale hiyo niniilipih'ahu wira nileeliherye, *Esumana* ela *Yanamiloko mithanu na miili Ya Daniyeli*. Ni nootteeleliwa murima owoona anci-ene athukumanne nihiku nla nooviha, ni nnakhala vo ninnikhupanyerya hiyo ohikhhalana nipuro n'okilaathi. Owoona atthu athukumanne siiso ni weemela mapuro othene, ennikhaliha yoonyaleliha. Ni ohikhala oratteene ntoko vaatthuney'aya, ennookattyamihani wiiwa saana. Masi ninimwiira sothene sinwery'ahu wira naakuvihe.

2 Ni—ni, olelo, kinroromela wira muno, kapisa vale vakhani, wira munookilevelela, okhala wira ola okathi wo okhomakela Mutthak'ola, okathi wootthuneya wira nikhomakele. Hiyo nikhalihale ipantte tthaaru wira niwerye okupali wira ninimwiira saana.

3 Vano, vekeekhai, mu—muthukumano onooneya onnisuwela wira iya, ahiiso Mitthaka iya, sinookaravariwa. Ni sinniveleelihiwa mulaponi mothene. Voowiiweya khula elapo ennaakhela ifiita iya mulaponi mothene. Ni kaatthuna waahimeerya ela alipa—oowiiwa efiita, khula nipuro mury'anyu, epante xeeni ya mulaponi mury'anyu, wira pooti okhala ithu kamosa-kamosa mu mukhanly'anyu ohiiwananaka ni miyo mwa miixuttiho miyo—miyo kinivah'aka. Masi kaatthuna kihimye, axinna, khino, wira mwaamuleeliherya enamuna moonaly'anyu, pooti okhala yoovirikana n'ile kaarowaaka waamini. Masi, kaamuxukhuru wiiwa ele murin'anyu wira muhimye.

4 Nto eyo ti wi ni muupuwelo kiniruuhele'aka Mitthaka iya, okhuma e...Masu a Muluku, mmurimani mwaka. Ti yoolipiherya Ekereja, ya Ekereja yothene, Ekereja ya mulaponi mothene; Ekereja ya Kristu, ya mulaponi mothene. Ni vekeekhai kinnaamini wira ninkhala nihiku nookiserya. Ni wiilipiha waka wira kitaphulele yeela, nave kihitthunaka wira, okhanyererya, epante emosa wala ekina. Nkinakhaleke ootheka, ntoko sinsuwel'aka wo, wo wira yeeyo.

5 Imaara sinci-ene atthu aniiwa mufiitani, ni awo aniira, “Ahe, miyo kinnivaanya eyo. Awo khansuwela mwiiixuttiho aya, khansuwela Soolempwa.” Ahe, eyo, eyo pooti okhala sothene ekeekhai. Munnona? Nkaakhanle ohimyaka wira ekeekhaii.

Masi, wa miyo, miyo—miyo kinoosoma Seiyo, kahi okuxa khula—khula moolumo. . . Kinoosoma etthu atthu akina arin'aya wira ehimye, ni kinnaattittimiha. Itthu sothene mutthu onihimiy'awe, miyo kinnittittimiha. Masi nto—nto kiniroiha wa Muluku, ni kinkhala ni yeeyo mpakha kiwerye otaphulela, okhuma Maphattuwelo mpakha Wiisuupulula, vano nto ni woona wira yothene ennilikana ni Bibilia. Vano nto ki—kinoosuwela wira yookhala etthu vakhiviru ni yooloka. Ni, tthiri, vaavo vary'anyu vooloka, nlo ti nipuro nimosa paahi vaavo kaarowaaka okhuma mu—mphironi. Ni khino vatthu vary'anyu oovonya, wala oolikana, ti vaavo kaarowaaka okhuma mphironi, ni voohihyana.

⁶ Tivo, hiyo ninnooxukhuruni nyuwo atthu othene ooreera murima muri voowiriyani va, voosiis'ula, ni mwaha wa nyuwo atthu ooreera murima muniiwa ifiita iya. Ni hiyo. . . Sothene siniiriwa, sothene mwaha w'Omwene wa Muluku. Kookhalana apatthani anci-ene ooreera murima mulaponi mothene, kinaaxukhurel'aka vanci-ene, ni kinnaamini wira kinrowa oviriha okathi Ohinimala ni yaawo. Nto khayaarowa okhala mmurimani mwaka wehererya o—owoottha atthu awo, nnakhala vakhani, masi ophavela wira sothene kinwery'aka wira kaakhaliherye.

⁷ Kinoona ntoko Salomoni siiraly'awe okathi waavekenly'awe, khwira, avahiwe ankhili wira awerye oweettiha atthu a Muluku. Iwo t'uvekela waka wa xariya.

⁸ Axirikha aka ni miyo va, vaava va, kinnimoona Munna Mercier, ni—ni Munna Roy Borders, ni Munna Neville, ni Billy Paul, mwan'aka. Gene ori vaava nipuro nlo, ni axinna, Teddy, n'akina. Kinnaaxukhuru atthu ala othene anoorwa okikhaliherya.

⁹ Kinnuupuwela nno woohikhala khalayi, Munna Leo, yo—yoowoona aarin'awe; yooloha, owo iihanne siiso, ohiyu umosa okathi woopacerya okumana; wira oonale ethoka y'epiraamite, vasulu voorakama saana. Nto miyo kaari vasulu vaavo kilaleeryaka, nipuro nlo, vano khuwela wira oone yothene yaari mwaha wa xeeni. Nto okathi owenly'awe vasulu vale vasulu v'ethoka yeela, vano, owo khwira, ottaiwene waarya ntoko eparatha, ahiiso ntoko ekamela, miyo kaarimweemela, kaalaleeryaka atthu. Nto owo aahikivara murima, vano miyo kimuweha. Nto owo khwira, "Mphiyale sayi vo? Kiphiye sayi vaavo?"

¹⁰ Miyo khwira, "Leo, khaavo onwerya okhuma va. Muluku ohaana omukuxa mutthu va. Vano, nyuwo khamurina orwa. Muhaana okhuruwa mwakhalele onamoona ohoolo w'atthu ale vathi vale, numala woona, wira ela Ekeekhaii, wira Ele Ekeekhaii." Leo khutthikela vathi, wira akhalele onamoona ohoolo w'atthu.

11 Ovinre okathi xeeni, Munna Leo? Iyaakha sinci-ene, kahi siiso? Iyaakha sinci-ene. Okhuma okathi yoowo, ntoko sinsuwel'aka, owo onikhala oororomeleya wira yeeyo, okhalelaka onamoona v'atthuni wira muteko onkhuma wa Muluku. Vano, ni miyo—miyo nkinthuna wira okhume wa miyo. Vakhala wira onkhuma wa miyo, vano kuhiyo wooreera, okhala wira khiivo yooreera mwa mutthu. Munnona? Ohaana orwa okhumaka wa Muluku.

12 Vano, kaawehawehaka...Nsana makaaripi, kaahivahana matata ni mpatthani aka, Munna West. Nkinatthi omoona nlelo, mpaani mu; ayo, koomoona vano, voosiis'ula. Ni nyuwo moosuwela moota athu awo ankhum'aya ottaiwene, okhuma ohitto wa—wAlabama, wira ephiye va, Ttiminku, okhuma wAlabama!

13 Munna Welch Evans, kimuhiyale Ettiminku evinre. Mutthu mmosa ohimnye wira owo aari vaava olelo. Athu awo anikhuma oTifton, Georgia, wira ekhale va. Ni munna okilanthé va, axirikh'awe. Anci-ene! Munna Palmer onikhuma Macon, Georgia. Ni kinnoona, kookupali wira, Munna muthiyana Ungren n'akina ottuli iwe. Othene aya anikhuma oMemphis, Tennessee. Vano, muupuwele...Ni akina anikhuma mapuro makina. Kinoomalaru omusuwela muhano mmosa va onkhuma, onkhuma oCarolina du Sul.

14 Vano, muupuwele yeeyo athu va...Miyo kaamuwehaweha, okhuma oChicago, ni mapuro oohiyana-hiyana, yeetihaka ikaaro ikilomo imiya ni imiya, wira ekhale vamutekoni w'okokhorela paahi. Vano, awo yaphiya va, khaninkhala nipuro n'okilaathi-vo. Hata nipuro nirina ekaruma yooriirha ettheke; empa mooviha-mo, yeemenleene, yiikukutthaka oviheriwa. Ekuxaka musurukhu wa vameesa, w'ana aya, wira erwe va wiiwa Mutthak'ole. Munthuna okileela wira khiivo e... epantte ekena ya muro, nipuro nlo, wira nookhala nipuro awo anrowaaya, nimosa wa mahiku ala? Vekeekhai, nookhala. Iwo t'uroromeleya! Athu anniliva sanamuloko. Kahi wira awo animoorwa paahi, awo anniruha sanamuloko saya ni soovaha, nto oruha mpaani mw'Apwiya, ephavelaka wira ele eri yooreera. Muluku aareerihe vanci-ene athu oororomeleya siiso! Omoriwa ikharari ni mahala a Muluku ekhale ni yaawo.

15 Kinnimoona mpatthani aka, Charlie Cox, ale anikhuma okuusini w'oKentucky. Ni mapuro othene, mwawehaweha, muniwoona athu anikhuma mapuro oohiyana-hiyana.

16 Mmirav'ola okilanthé va, nkinwerya wuupuwele nsina nawe. Kimusuwenle oChicago. Masi munikhuma exikola emosa ya Bibilia ottaiwene wa nno, nipuro nlo, kahi siiso? [Munna oniira, "Springfield, Missouri."—Mol.] Springfield, Missouri; exikola ya Bibilia ya Asempeleya de Deus. Ayo. Ahe, vaareera. Moone, awo anikhuma mapuro othene, ekereja ela yaamukhaani.

17 Muupuwele paahi, mwaha wa, mwa iyaakha miloko miraru sivinre okathi waahel'aka nluku n'olipiha voosis'ule, keemenle vale Ephiro Yaneethanu na piili, ekwarterawu emosa orakamela waya. Kiira kihinathele nlelo, mmiravo paahi. Vano kaahoono yoowoona ya atthu athukumanne ni ephunyanne-ene mu yaakhumme mapuro othene. Nto miyo nkaareere otteeliwa murima, keemenle-ene ottuli w'epulpitu. Nto owo p'ukathi Owo aakihimenry'awe, "Masi ela kehiyo emp'anyu." Nto Owo khukihela vathi v'erimu. Ni nyuwo munnimusuwela wahala ene yoowo olempe wanukukhuni va Bibilia omphwanyaneya vanlukuni n'olipiha vale.

18 Miyo nkireere oxukhuru mwaha wa nyuwo atthu. Nkinwerya... Eyo, eyo etthu ekhaani, o—ohimya paahi, "Ahe, miyo kooxukhuru mwaha wa nyuwo." Masi kinnoovekelelani. Kinniwaaminini. Kinnaamini misuwelelo sanyu sa Muluku. Nkinaamini wira mulopwana wala muthiyana aamweetiha ekaaro ikilomo imiya ni imiya wira orwe nno, wira yooniherye ikuwo xeeni awo yaawanry'aya. Miyo—miyo nkinuupuwela wira awo yaamwiira yeeyo. Nnari. Awo khiyaarowa orwa wa wira yooniwe paahi. Awo anoorwa wa okhala wira awo ari voowiixerya ni mwa exariya mwaha wo woopowa wa minepa saya. Ovekela waka ti: "Muluku akikhaliherye, akikhaliherye mano okhala eexariya vakhani, wira kiphavele waarumeela ni sothene siri mmurimani mwaka, ni onweha Muluku."

19 Mutthaka, moone, voosis'ula, yookwerethiwa va vakwaaturu yooriipa va. Eri wira yoonihiwe, etaphulele okathi onikelel'aka ohoolo, ophavela okhaliha wira nwerye wiiwa saana etthu emphavel'aka ohimya.

20 Ni *Isumana* iya *Miloko Mithanu Na Miili Sa Daniyeli* sinikhalaka osoma wuulupale, mahiku maili ni ohiyu miili, ohalela, kinnikhala, woomalelani w'esumana va, kinikhala mwa yeeyo, kiphavelaka ophwanya moolumo xeeni oohimya ntoko Ekeekhai. Ehaana olikana ni Bibilia othene. Munnona? Khamukhanle okuxaka Eyo, Yoolempwa emosa ekhaani paahi ni opaka esuwelo—esuwelo, vano ni wira, "Ahe, ela t'ile ela enihimy'aya," vano nto n'urukunuwa ni wira, "Ahe, masi vaava va Eyo—Eyo enihimya etthu ekina, ennivirikanya *yeela*." Khekhanle wiiraka yeeyo. Ehaana ohimya etthu emosaru okathi wothene. Vaahikhale siiso, vano, eyo, nto mo—moovonya. Ni eyo t'inamuna kiniphavel'aka wiixuttiha Eyo.

21 P'uhimya wene, mufiitani, okhalaka wira eri mufiitani. Wuulumela wuulupale kirin'aka mufiitani, w'axinn'aka mapuro oohiyana-hiyana a mulaponi, ti waamini mahala a Muluku, kiniixuttihaaka enamuna kiniixuttihaaka, wira, "Hiyo nirootthommwa ohinatthi opacerya olumwenku."

22 Axinn'aka aPentekosite, vekeekhai, koosuwela wira miyoonelo sanyu ti soothariha ikano, moone, ni ko—

koosuwela wira ti sookattyamiha vakhani miyoonelo sanyu. Masi mwaamurowa, ntoko munna muKristu, mwaamuvaha nttittimiho noophiyerya wira mukukhore ohoolo wa Muluku, ni Bibilia anyu, ni onvekela Muluku wira ootaphuleleni? Mwaamutthuna wira yeeyo? Mwaamukuxa mpantte w'otthariha ikano ni ophavela okhalaha eyo ophitaana okhuma Maphattuwelo mpakha Wiisuupulula?

²³ Ni, “Epyo y'enowa,” ekhanle namwiiva; atthu anci-ene khanaamini iyo. Masi, nyuwo mwasomaru paahi Maphattuwelo, Bibilia ohimye wira enowa yaahikhalana epyo. “Ni Miyo kinimwiinaniha nloko n'enowa ni Nloko na muthiyana.” Tivo, enowa yaahikhalana epyo. Nto vakhala wira epyo y'enowa yaari ya erooho, weso Yesu khaari mutthu, vano Epyo ya muthiyana yaari ya erooho. Oowaili yaahikhalanasa ipyo, ni owanani nlelo wookhala vo. Enowa yaahikhalana epyo. Nto mwamukuxaru Bibilia anyu paahi, mukokhora ni mukhala oottittimiha saana ohoolo wa Muluku, kinnaamini wira Muluku onoowuupululelani yeeyo.

²⁴ Vano mwaahisuwele saana, miyo—miyo kinniphwanyaneya, khula okathi, wira kiire voowilipiha waka wira kookhaliheryeni, ni epaphelo wala ni—ni nvaanelo w'omeekha, wala etthu p'itthu kaakhanly'aka wiiraka wira kookhaliheryeni. Vekeekhai, hiyo ninnisuwela wira eyo khenimooopola mutthu, nnakhala khenimuhukhumu mutthu, masi eniruuha Waarya paahi vasulu va mwaha mury'ahu-vo ophavela wothene wo wiilipiha wira naakhalihe atthu woona. Munnona? Eyo eniruuha Waarya paahi.

²⁵ Vano, wa alipa-oowiriyana anooneya, kihimiyale ela okhala wira ifiita, moone, ni ifiita iya sinnirowa sothene, mapuro othene.

²⁶ Vano nrowe nuurame muru okathi vakhani paahi, nihinatthi omwaattamela Mwaneene Masu ala. Nto akavi vamuthukumanoni voosiis'ula athoiwe, aniira paahi, “Koothoiwa. O Muluku, mukimorele ikharari”? Apwiya yooreeriheni. N'ale anrowa wiiwa efiita, mwaiwa vale, Muluku oovaheni yoovekela anyu.

²⁷ Tith'ihu a Wirimu, hiyo n'atthu ooxukhuru, nave atthu oohiphwanela. Masi hiyo ninoorwa veehiceni Vanyu va mahala voosiis'ula, okhala wira noolattuliwa wira nirwe. Yesu oohimya, “Mwaavekele etthu p'itthu Atithi mwa Nsina Naka, Miyo kinimwiira.” Vano, hiyo noosuwela wira eyo ekeekhai.

²⁸ Nto va v'ewiriyanelo, ni ota mu—mulaponi ifiita sinrowaaya-wo, alakela anookhala aKristu ikonto miloko sene ooyariwa vasya anrowa wiiwa yeela. Ni hiyo noosuwela, Tithi, wira nayariwa vasya, wira erooho ahu eniyariwa Osulu. Eyo Eroho ya Muluku, Eroho Yowarya, mwa hiyo. Ni ninnisuwela wira Eroho Yowarya eyo ti yoowerya sothene ni enniwerya oniirela khula

etthu nintthun'ahu wira yiiriwe. Vano, Tithi a Wirimu, hiyo naatthuna woovekelani Nyuwo wira mutaphule waamini wahu w'Eroho yeeyo, wira Eyo ewerye onilipiherya voosiis'ula, ni wa ovuwa w'oMwene wa Muluku, soovekela iya ni sootthuna, wira nivonihewe iretta sahu ni mixankiho, wira niwerye omurumeela Muluku ahu ni sothene siri mwa hiyo.

²⁹ Mutthukule maaru ahu a mwiiwelo olelo, ni okathi oniilipihaaka wira kilaleerye mwah'ola muulupale, ni olakiherya mmuupuweloni mw'atthu. Vano, kookhalana elempweene va, Pwiya, vapapheloni, ni yookwerethiwa vakwaaturu va, vapapheloni va, masi voohiphiyerya saana wira kitaphulele. Vano niniwiihanani Nyuwo, Mwiiixuttihi muulupale Ole olempe Masu, ole uupuxenrye Yaawo, Ole aanvahale Yaawo profeta Daniyeli. Ni ninvekela wira Nyuwo nvelelihe muupuxeryo voosiis'ula, mahiku ala ookiserya, ntoko Owo ohimaly'awe wira Eliivuru yaarowa otthukiwa mpakha okathi ula, wira Nyuwo munootthukula maiwelo ahu. Ni wira okhale waamini wa olili wowoolowa mmurimani mwahu onrowa otthuniherya Masu othapuluwa wira erwe Ekumi, ni ekumiherye miri sa onaxariya mmakhaleloni mwahu, yeeyo ekhanle Yoothuna aya. Omwaamini wahu Muluku, okhale woolipa wa hiyo voosiis'ula. Maana hiyo voowiiyeviha ninnilipelela vano, ni wiivahererya wa Nyuwo, mwa Nsina na Yesu Kristu. Amen.

³⁰ Vano, hiyo ninnixukhuru voosiis'ula, mwaha wa oreeriwa wuulupale tho wira nikhunle makukhu ala a Masu a Muluku Ahinimala.

³¹ Vano, mwah'aya kiivahaly'aka wira kiphavele otaphulela yeela, okhala wira ninsoma Eliivuru ya Wiisuupulula, ni ninoomalaru ovira mwa okathi mithanu na miili wa ekereja. Vano, nto, wookiseryani w'ekapiitulu 3 ya Eliivuru ya Wiisuupulula, Ekereja enookuxiwa okhuma vathi, orowa osulu Moovuwani. Ni kiniphavela, ni murim'aka wothene, wira kiwiiwihe saana yeela atthu, wira awo anniwehererya etthu okhumelela, awo anoon'aya elempwe muLiivuruni mwa Wiisuupulula, yeeyo ehiheleliwe okathi wa ekereja. Ni hiyo nookhuveela wookiseryani ovikana sinuupuwel'anyu.

³² Ohiyu vakhani ovinre, Billy, awaka... Ahiiiso, mwaara a mwan'aka, kiireke, aahikiihana, ohiyu saana, khuhimya wira aahikhala mulopwana mmosa oniihaniwa Andy Herman, yoowo okhanle mwaamunn'aka, aarupaathale, aamookhwa oxipiritaali. Miyo kirowa omoona. Awo yaaroomuvaha murette, miyo. . . woowaatta, mpakha owo orupa, nto miyo nkaawenrye olavula ni yoowo. Voosiisu aya. . . Miyo khunvekela Muluku wira amukhalihe mukumi mpakha miyo owerya. Andy mutthu mmosa ooreera murima, masi owo khaari muKristu. Owo kahiyu haalu; owo mwaamunna, omuthenle mwaamurokor'aka.

Vano nto okathi Amaathi Ade akihimenry'aya, yeemenleene vale, awo khwira, "Billy, iyaakha iya sothene miloko mithanu na miraru s'ekumi awe, owo khaamurumeela Muluku. Masi," khwira, "isumana vakhani sivinre owo aakilanthe mpaani. . . ." Owo, iyaakha miloko mithanu na miraru, vekeekhai, khovanre muteko munci-ene ni matata. Masi khwira. . . .

Owo khuwiihana khwira, "Ade, moosuwela? Kristu aahikirweela va, minuutu vakhani sivinre."

Awo khimuweha, khwira, "Andy, ari—ari. . . Mulattu ene xeeni?" Awo khwira. . . .

Owo khwira, "Nnari. Owo eemenle va ohoolo waka, nto Owo aahihimya etthu."

Khwira, "Owo aahimye exeeni?"

"Vahooxa ovikana sinuupuwel'anyu."

³³ Isumana vakhani okhuma vaavo, isumana piili wala tthaaru, owo aayeeheya ephome m'ottoporeni ni aarupaathale oowuuma-ene oxipiritaali, akhwaaka. Miyo khwira, "Maathi Ade, wuuliha muru nyuwo ohikiihana miyo wala mutthu, wira okhalihe murim'awe mukhalelo woolikana w'okathi ula owo ophiyaly'awe vano."

³⁴ Miyo khwaavekela Apwiya, voosiisu aya, okathi miyo. . . . Owo khaawerya olavula, vano miyo kimukoha paahi. Miyo khwira, "Munniwerya okiiwa, Haalu Andy?" Nto owo—owo aaniwerya ottikinya muru awe ni omuttikinya nanttere. Miyo kimuvekelela, kimwiirela olapa itampi sawe ohoolo wa Muluku. Kaatthuna omupatisa, ni Amaathi Ade yaatthuna opatisiwa.

³⁵ Vano miyo khurowa esaala ya vathi, wira kimoone mwaamuthiyana mmosa onkhala vakhiviru va, wira aarowa oroihiwa oxipiritaali y'anamukhwa-anepa, vano Apwiya khumwiirela etthu yuulupale, khurowa owaani.

Vano, mphironi, kaahikumana ni munna muthiyana mmosa ooriipa, nto owo khwira, "Nyuwo khamuhiyo Munna Branham?"

Miyo khwira, "Ka yoowo."

Owo khwira, "Munnikuupuwela? Miyo ka muhano Drye."

³⁶ Nto miyo khwira, "Ayo, kookupali wira kinniwuupuwelani. Pete Drye n'akina." Miyo khwira, "Ayo, ki—kinniwuupuwelani." Owo khuweha mpaani, vano vairaly'ahu. . . . miyo khwiikoha mwaha wa xeeni aahimenry'awe yeeyo. Nto, vale, Haalu Andy khuyenya voolilini, vano okilante-ene vaavo, attikinyaka matat'awe ni miyoono ntoko mutthu mukina, atthunaka okuxa etthu, etthu ya voolilini vathi, wira akhume vale arowe. Vano anrowa orwa wira epatisiwe mu Nsina n'Apwiya Yesu, owo n'amwaar'awe.

³⁷ Vano, masi etthu ehimenry'aka eyo, vahooxa ovikana sinuupuwel'ahu. Ni kookupali wira *Isumana* iya *Miloko Mithanu na Miili Sa Daniyeli* enooruuhela maiwelo ahu.

³⁸ Vano, anci-ene w'axinn'ihu aPentekosite, kaahimaly'aka ottuli mufiitani, wira awo annivaanyiha Yeela. Awo anlipelela etthu, yuulupale ya ikuru wiiraneya. Ni, axinn'aka, mwaiwa vale oratteene, ni kahi...ni owiriyana, munoophwanya wira etthu iyo, yuulupale ni ya ikuru yoovira. Yesu oolikana wira ahokolowe.

³⁹ Ekereja enikhuma kapiitulu 3 ya Wiisuupulula. Khiivo ehimmwe mmo ya hat'etthu, masi etthu yookiserya paahi aari namitthaka ookiserya a okathi. Vano, hiyo ninaahimya aYuta mpakha orwa-tho ni Mwaakameliwa, mukapiitulu 19. Okhuma kapiitulu 6 mpakha 19 yothene t'aYuta.

Ti vaavo vantthun'aka ophiya-vo munn'aka ooreera murima vaava va okathi wa Ikanyeryo iya, Munna Wood, yoowo khalayi aari Namoono a Yehova, owo n'itthoko awe yothene, va voosiis'ula, wira ale "Ikonto miloko muloko ni miloko mixexe n'atthu ikonto xexe" khayaari, khayaarina naata n'Amalapo. Awo t'aYuta. Munnona? Ni kehiyo Erutthu ya siiri ya Kristu elapo ya vathi olelo.

Mwaakameliwa ti Erutthu yeeyo ya siiri. Mwa Eroho Yowarya hiyo noopatisiwa mw'Erutthuni yeeyo ya siiri.

⁴⁰ Vano, hiyo noosuwela wira muLiivuruni mwa Daniyeli va, vaavo vansom'ahu, ninrowa osoma-tho okhala wira awo Masu Awe. Kapiitulu 9 ya Daniyeli, versiikulu 24.

Isumana miloko mithanu na miili sookumiheriwa wa atthu anyu ni wa muttethe anyu wowaarya, wira simalihiwe sootakhala, . . . wira simalihiwe itampi, ni oleveleliwa sootheka, ni olipiheriwa exariya vohimala-tho, ni omaliheriwa wooniheriwa ni moolumo eeprofeta, ni ottikittheliwa ole Oowaarexa.

versiikulu 25, "Vano musuweleke ni mphaveleke wiiwa oratteene, wira okhuma..." Vano, ti yeeyo enikhal'ahu nilavulaka, ni nimalihale yeeyo Ettiminku evinre ohiyu, "ottikittheliwa ole Oowaarexa." Va ti vanipacery'ahu voosiis'ula, versiikulu 25. "Vano tivo . . ."

Tivo musuweleke ni mphaveleke wiiwa oratteene, wira okhuma okathi orummwaaya olokhiwa ni otekiwa-tho Yerusalemu (owo ti "muttethe woowaarya," moone) mpakha. . . Mesiya Mukhulupale sinoovira isumana thanu na piili, ni isumana miloko mithanu na mosa ni piili: ni iphiro sinootekiwa-tho, ni makokoro, okathi w'ovelavela.

Nto siviraka isumana miloko mithanu na mosa ni piili Mesiya onimwiwiwa, masi woohikhala mwaha

wa yoowo: nto atthu a mukhulupale ontthuna orwa— mukhulupale ontthuna orwa onoopwetexa muttethe nnipuro noowaarya; vano emalelo aya enookhala ni mwanamukhaya, eruhaka ekhotto n'hasara erumihive.

“Nto...” Vano, muupuwele, eyo t'imalelo y'ekhotto. Nookhalana vakwaaturu va. “Nto,” vano nimpacerya etthu ekina.

Nto owo onimwaataana ni wiilipihana n'atthu a maloko manci-ene mpakha esumana emosa: vano varyiyari va esumana onookhottiherya mukuttho ni soovaha, nto elatarato yoowuuliha muru enoopwehiwa nipuro noorekamexa n'empa, mpakha omalihywa, (ti yeeyo, tu), nto ele erumihive onooeheriwa mulipa-ooopwetexa.

41 Oh, nikano xeeni! Miyo kaahaaleela amwaar'aka nihiku nlo, “Kinniikoha sinto atthu anniwa oratteene yeeyo.” Vano, kintthuna mwiiwe oratteene. Muhi...Vakhala wira nyuwo, nihaana okhala va nihiku nothene, ninookhala paahi. Vano, hiyo—hiyo—hiyo nintthuna niwe oratteene. Munnona? Hiyo—hiyo nintthuna nisuwele wira eyo Ekeekhaii. Ni, nyuwo, mwawerya—ru paahi woona! Ni kinoovekela, khino. . .

42 Vano nto, numala, kinoohiya ekwaaturu ethomeiwe-ene va, nto nyuwo—nyuwo munoowerya okweretha, numala. Murwe vaava makaaripi ala, khula okathi ontthun'anyu, mukwerethe ekwaaturu ene ni sikina. Enimookhaliheryani osuwela saana. Mwaha wa yeeyo kihenly'aka va, wira mwiiwe oratteene.

43 Vano, nrowe nitthikele woona vakhani paahi wira niwerye okhalana mulipiheryo ene. Vano aahikhala...Daniyeli khaareere okutakutheya mwaha w'atthu awe, okhala wira aahimusoma profeta Yeremiya, khusuwela saana wira Yeremiya aahihimya wira awo yaarowa okhala w'epotthani iyaakha miloko mithanu na miili. Vano nto, owo aahoono nto wira awo yaahikhala w'epotthani iyaakha miloko mithanu na mosa ni iyaakha thanu na tthaaru, tivo aahisuwela wira okathi waari vakhiviru. Tivo owo aahihiya muteko awe wothene, khumoroxa, p'uhimya wene, ikuwo sa miteko sawe sothene sa khula nihiku. Khurukunxela ethoni awe wa Muluku, khuwara mattapwatta ni ettuurwa, khurowa otthuka ni olompa, wira awerye osuwela saana waarowa okhala okathi xeeni. Vano ninnoona, ntoko sihimaly'ahu ottuli. . .

[Munna Branham onlavula ni mutthu vaplataforma—Mol.] Mwaamuwerya orukunxela yeeyo, epantt'ile iwe, vakhani paahi. Yoovekhulela, ti yoowaatta vakhani. Enookilaliha vammilo. Nto. . . Kooxukhuru, munna.

44 Vano, ninniphwanya wira, Daniyeli, owo aatthuna ehapari ila mwaha w'atthu awe. Ni kinoona wira, vakhala wira Daniyeli, aasomaka maprofeta yaavinre owo ahinatthi, ni aahikhhalana

enamuna ela ya mwiiwelo, wira aahikhuveela vakhiviru, khumphavela Muluku, wira asuwele moota xeeni emalelo yaakhuvenly'aya; vano kinoona wira hiyo ninnikhalihwiwa anaxariya, mwaha wo woona wira niri wookiseryani w'ephiro vano, kahi owara mattapwatta ni ittuurwa, masi okakha itthu sa molumwenkuni, ni ovelavela wahu wa ekumi ila; ni omuphavela Muluku, wira nisuwele nihiku xeeni na eyaakha niry'ahu, okhala wira ninnoona wira niri wookiseryani, ni wira Ekereja etthuke evekele ni ekhale yoolikana. Mwaha wa yeeyo eniilipih'aka wira kiivahe yoomi...Kihisuwelaka moota w'otaphulela yeela, okhala wira ennikiviraka vasulu khula okathi, ni wira, "Isumana iye Miloko mithanu na miili sa Daniyeli," okhala wira nkaawerya osuwela saana. Nto mwaha wa yeeyo kiniivahaaka yoomi vano, wira kiphavele otaphulela. Ni kinnaamini wira, ni mukhaliheryo w'Apwiya, kinoowerya wira ni mahala Aya, oruua nipuro, owoonihani moota okhuveelaly'ahu Orwa w'Apwiya.

⁴⁵ Vano, Daniyeli aari mwa iyaakha piili paahi. Vano ninniphwanya, wira, owo avekelaka, Nlaikha, Kapiriyeli, naahimwaakuvela; nto kahi wira aamuhimenrye okathi atthu awe yaarowaaya w'epothani, masi, nave-tho, sothene saakumiheriwe wa atthu awe, sothene saahalela atthu awe. Nlo khwira, "Sookhala isumana miloko mithanu na miili nlelo saahalenle aYuta."

⁴⁶ Vano, ninniphwanya, wira Nlo naarina sootthuneya thanu na mosa. Nto emosa aya, waari omalihiwa sootakhala; ni—ni omalihiwa itampi; wira sileveleliwe soottheka; olipiheriwa exariya voohimala-tho; omaliheriwa wooniheriwa ni moolumo eprofeta; ni ottikittheliwa ole Oowaarexa.

⁴⁷ Nto naahikuxa, Ettiminku evinre voosiisu, Daniyeli ni mukhalelo awe iwe, avekelaka. Ettiminku evinre ohiyu, kihimyaka Soolempwa, wira atthu esome yaphiya vale owaani. Moosoma? Sihoosivelani? Vaatepa oreera!

⁴⁸ Vano, sootthuneya thanu na mosa. Ni ninniphwanya wira, mwa yootthuneya yeela yaneethanu na mosa, "omuttikitthela ole Oowaarexa," ninniphwanya wira "ole Oowaarexa" kweekwe aathoonerya Ekereja, Empa. Nto etthu yookiserya yaatthuneya wira yiiriwe, waari omuttikitthela ole Oowaarexa, eyo ti Empa y'oMileenyu Owo onrowaawe okhala-mo okathi wa Mileenyu, hiyo onrowaahu okhala-mo.

⁴⁹ Vano, olelo, vano ninoolavula, "Isumana miloko mithanu na miili exeeni?" Nto ela epantte y'ekumi saana, isumana miloko mithanu na miili.

⁵⁰ Vano, hiyo noosuwela wira Soolempwa khasinootha. Sihaana okhala Ekeekhai. Ni vakhala wira Nlaikha Kapiriyeli nla naahirwa khimuhimeerya Daniyeli wira siri isumana miloko mithanu na miili paahi saahalenle aYuta...Vano, hiyo

naamuhelela yeeyo mahiku mathanu na mosa . . . ahiiso esumana ya mahiku mathanu na maili. Masi, mwa moolumo eeprofeta kweekwe enihimmwa ni malikanyiho.

⁵¹ Nto vano, vekeekhai moovirani m'okathi, annikhalaka atthu imiya imiya sene, asomi, atthu oowerya, aneererya otaphulela etthu saari isumana iya miloko mithanu na miili. Ni koosoma itaphulelo saya sa yeeyo. Ni nkireere omuxukhuru Mwenye Smith, a ekereja Ativentista, mwaha wa enamun'awe yo woona. Nkireere omuxukhuru Dr. Larkin, mwaha enamun'awe yo woona. Ni kinnaaxukhuru asomi ala othene aalupale, mwaha wa enamun'aya yo woona yeela. Nto kisomaka seiyo, sinnikilakiherya vanci-ene, wira kinniweya ophwanya mapuro ankhala ntoko oolikana. Masi wira kikuxe inamuna so woona miyo—miyo koono wira kaamutthuna otaphulela, kaahiphavela muhina mwa ensikolopeetiya, ya “okathi,” wira kisuwele etthu yaahimya “okathi.”

⁵² Ni ninnoona va, wira nookhalana “okathi, okathi, ni okawanyeya w'okathi.” Okathi exeenii? Esumana exeenii? Vano, soovira ikonto tthaaru, iyaakha imiya xexe ni miloko miraru khalayi, okhuma yaary'aya, okhuma okathi Muluku aapaceny'awe ovara muteko ni muYuta; iyaakha, iyaakha sene khalayi. Daniyeli aari A.C., ni okathi uwo waari A.C. 538, iyaakha 538 Kristu ahinatthi, okathi owo aalavunly'awe ela ya “okathi, okathi, ni okawanyeya w'okathi.” Nto, isumana miloko mithanu na miili, nkawehani nipuro isumana miloko mithanu na miili saarowaaya omuroiha. Vano, owo nlelo aari oPapilooniya, isumana miloko mithanu na miili, nave nlelo Muluku aahimleela wira owo ti waari okathi wothene waakumihiriwe atthu.

⁵³ Vano, ekerej'aka va ennisuwela wira woovirani wa iyaakha sothene kweekwe kinnooleelakani, “Mwatthuna osuwela nihiku xeeni na esumana, nweheke ekalentaariyu. Masi mwatthuna osuwela okathi onkhal'ahu, mwaaweke aYuta ale.” Eyo ti eroroco emosa paahi. Muluku kha—khaavahenrye okathi khata Amalapo; khiwaakhanle okathi khata. Nto ti vaavo kinoon'aka wira alipa-oolapa anci-ene aatapanya, ni yeererya omuhelela yeela muYuta ni Mmalapo, okhala wira Owo iirale, “Atthu anyu.” Masi Owo aalavula ni Daniyeli, kahi ni Ekereja; Atthu a Daniyeli, muYuta. Vakhala wira Owo aalavula ni Ekereja, khamunwerya oroiha eyo hata nipuro; nyuwo muri—nyuwo muri ottuli, hata ohinatthi orwa wa Kristu. Eyo yaamuvira mwa khula enamuna ya isumana s'eprofeta saatthuna oheliwa-mo. Yoomala ovira. Masi Owo aalavula n'aYuta, vano tivo muYuta ti eroroco ya Muluku.

⁵⁴ Munnuupuwela va, woohikhala khalayi, okathi Munna Arganbright, a oCalifornia, mukhulupale mukhaani a Mwiiwanano wa Mulaponi w'Alipa a Nakoso a Ehapari yooreera Yoomalela, aaruuly'awe owanny'aka khuruuha e—efiita; nto

kahi efiita, masi e—efiilime, yeeyo awo . . . ya *Minuutu Miraru Mpakha Ohiyu eriyari*. Eyo ekeravariwe ni esomelo ya siyensiya. Okathi owoonaly’aka aYuta ale otthikela iwe, otthikela oYerusalemu, miyo kaahirwa otapernakulu va, nto miyo khwira, “Kinoona ntoko wira koorukunxa murima vaneili.” Anciene wa nyuwo munnuupuwela yeeyo. Miyo khwira, “Owoona aYuta ale etthikaka!”

Yesu oohimya, mwa Matewu kapiitulu 24, “Moonaru mwiri wa fiiku ophuwa ithutu saya.” Munooosuwela y’oweha, moone, aYuta etthikaka!

⁵⁵ Vano, kookhalana soohimya kamosa-kamosa silempwe va. Kaatthuna kikele mwa seiyo. Vano, vano, kino—kinookuxa okathi, wira ni nyuwo nwerwe olepa nave. Vano, sothene iya siniireya, iya . . . Vano hiyo . . . Okathi ene yoola ory’ahu vano, sothene iya siniireya o . . . Ti aYuta; kherina naata ni Ekereja, nnakhala. Khula etthu okhuma Wiisuupulula kapiitulu 3, orowa mpakha 19, kherina naata ni Ekereja. Khivanweryaneya okhaliha oratteene. Khekhanle vo.

⁵⁶ Vano kintthuna kitaphulele moota kiphwanyaly’aka yeela. Vano, vakwaaturu, ancienne a nyuwo munimoona wira kookhalana sookwerethiwa, okathi wookawanyeya, moota eniirey’aya m’okathi aya, wira ekhalihiwe wira atthu othene ewerye osuwela saana. Munooowerya . . . Khamunwerya woona ottuli, kinoona wira, ileetera sikhaani. Nto iwo olepa wa Becky. Koono wira . . . Ni, elatarato ele, kaahikhalana emosa yootepa ovikana eyo. Masi, Becky khukweretha eyo, ya elatarato ya oloha wa Napukutonosoori. Ni kinoona wira enkhala yoolikanaxa ntoko mwali, Becky, omuhiya mulopwana. Masi, khula enamuna, eno—enoonivaha ehapari, hiyo entthun’ahu.

⁵⁷ Vano, nasoma vale mBibiliani wira siri isumana miloko mithanu na miili sikumiherelewe atthu, vano, e . . . kherina naata ni Ekereja. Isumana miloko mithanu na miili khasirina naata ni Ekereja. Nyuwo mwaweha va, vapapheloni, kookhalana okathi wa ekereja muhina mwa isumana iyo miloko mithanu na miili.

⁵⁸ Nookhalana va. Munna mmosa oGeorgia oroonikwerethela yeeyo hiyo va, okathi waasom’ahu okathi wa ekereja. Ni nookupali wira ninoowerya osuwela saana etthu enihimy’aya yeela. Ela yootteela mukereja va, eyo enihimya wira yaari yothene ya arummwa. Vano nto okathi wanenli wa ekereja, awo jaarina mwiixuttiho wa aNikolawo, ahiiso, jaarina miteko sa aNikolawo; wiira ohinakhale mwiixuttiho. Okathi waneeraru wa ekereja, khukhala mwiixuttiho. Nto okathi waneexexe wa ekereja, yaahitthokhiwa, vano waari opaapa w’oRooma. Nto o—okathi waneexexe wa ekereja, owo waari okathi w’epiphi.

Nwehe, epifi yothene vo enthoonyerya oNikolawo, ahiiso oRomanisimu. Epantte yootteela enthoonyerya Eroho Yowarya, Ekereja. Ni, siiso ntoko yaapacenry’aya okathi wa Paulo

Oowaarya, Ekereja yothene y'arummwa yaahisareya Eroho Yowarya. Vano atthu oosuwanyeya khupacerya okela. Vano vookiserya khukhomaaliheya khupaka ekereja esya voomalela. Vano ekereja yaamukhaani khupahiwa, khuvonyakasiwa, khukhuurihiwa akharamu, n'itthu sothene.

⁵⁹ Okathi w'oreherya khurwa Lutero, oowaarya vakhani, moone. Mahiku a Wesley, khuruuha waaryaxa tho. Masi okathi wookiserya wa ekereja va, okathi wa ekereja y'oNikolawo, owo p'ukathi hiyo...Kahi oNikolawo, masi ya Lawotiseya, owo p'ukathi hiyo onkhal'ahu. Nwehe, khokhanle Waarya wunci-ene.

⁶⁰ Mutthu, okathi yoonaly'aya okwerethiwa waya vasulu vale, yiirale, "Wuuliha muru, Munna Branham! Nihiku nla nuulupale n'emwaleelo!"

Miyo khwira, "Kinootthokelela, okathi eniveeriwaaya..." [Munna Branham onoomaala—Mol.] "Eyo hata khenlikana siiso; mwakhala-ru ooloka vekeekhai mmurimani, ooyariwa vasya ni Eroho." Muupuwele, ola waari okathi mmosa paahi Kristu aaheliwaawe ota wa ekerej'Awe Mwaneene, wa sothene saya. Nookhalana yoochimya yuulupale, masi nookhalana mureerelo, ti yeeyo enihimy'ahu. Kristu t'ekeekhai mukereja? Eyo enrowa okhala vakhaanixa.

⁶¹ Vano, vano nrowe nikwerethe isumana miloko mithanu na miili sa Daniyeli. Vano miyo pooti otthikela-tho; arumeyi a Ehapari yooreera, mwaavaanyihaka yeela, khiva mulattu. Iyo sikawanyiwe ihuhu tthaaru, ntoko simphwanyaahu mwa Daniyeli 9. Ihuhu tthaaru. Yoopacerya, ehuhu ya isumana thanu na piili; numala miloko miili vaara vararu ni piili, sikhanelo miloko mithanu na mosa ni piili; vano nto ehuhu y'esumana emosa. Iyo sikawanyiwe ihuhu tthaaru soovirikana.

⁶² Vano, kihaana sookawanyiwa va vakwaaturu. Ehuhu yoopacerya; ehuhu yaneili; ni mwa osuwela waka, ni Ehapari yooreera, ni Eroho Yowarya, wira, okathi wookiserya, Muluku onthikela-tho wa muYuta.

⁶³ Vano, hiyo noosuwela, ni Ihapari sooreera sothene, Paulo iixuttihaly'awe, ni akina, wira Muluku onootthikela-tho w'aYuta. Ahe, nto, vakhala wira Owo onrowa otthikela-tho w'aYuta, ninwerya sayi hiyo ohelela ottuli okathi wa Daniyeli? Nihaana ohelela okathi ula wookiserya. Nto eyo enkhala numala Ekereja y'Amalapo orowa, 'okhala wira Owo onvara muteko ni Isarayeli ntoko nloko nimosa, hiyo ntoko mutthu mmosa.

⁶⁴ Vano, kookhalana etthu elempwe va kaatthun'aka wira koosomeleni okathi onkelel'ahu ohoolo. Vano:

...okhuma okathi orummwaaya otekiwa-tho
oYerusalemu...

Yeeyo, yaari mahiku 14 a Marsu. Akhala a nyuwo ontthuna olepa, mwa aHeperi munoophwanya onihaniwa *N-i-s-a-n*, *Nisan*, enihimya “Marsu.” Yooruma eyo yaavaheriwe nihiku 14 na Marsu, A.C. 445, yooruma yaakhumme wira etekiwe, etekiwe-tho empa y’olompa. Nyuwo munnisuwela saana, ntoko nyuwo musomaly’anyu Soolempwa. Mpakha omaliheriwa, saavinre iyaakha miloko mixexe ni thanu na xexe wira emalihiwe empa y’olompa ni muttethe, wira etekiwe-tho. Ni Bibilia oohimya va, Daniyeli alavulaka, ahiiso Nlaikha nilavulaka ni Daniyeli, wira:

...makokoro, ni wira yaarowa otekiwa *okathi* w’ovelavela.

Ni anci-ene a hiyo ninnuupuwela, okathi atekiwaaya, yaakuxa etixolu ntata nimosa ni xoowa nikina, wira enweheke nwanani. “Ni enrowa otekiwa okathi w’ovelavela.”

⁶⁵ Vano, va ti nipuro kiniphwanyaaka yeeyo, kirowelaka mahiku aka. Vano, nihaana ikalentaariyu piili, tthaaru soovirikana. Nintthikela ekalentaariyu ya esomelo ittheneeri ya khalayi, ni nimphwanya wira ekalentaariyu Juliano ari mahiku imiya tthaaru, ni miloko mithanu na mosa ni mathanu na mosa ni epantte ya neexexe ya nihiku mwa eyaakha. Awo anaalikela yeeyo ni ovira wa Sarti ni ittheneeri soohiyana-hiyana, ni sikina. Awo yaalikela okathi siiso. Vano ninniphwanya, mukalentaariyu y’oRooma yeeyo ninkhal’ahu nittharaka vano, mahiku imiya tthaaru ni miloko mithanu na mosa ni mahiku mathanu khula eyaakha, ntoko ekalentaariyu. Masi mw’eKristu, wala ekalentaariyu y’opofeta, nimphwanya wira ari mahiku imiya tthaaru ni mahiku miloko mithanu na mosa mwa eyaakha emosa. Vano, nyuwo pooti otikinihiwa moota otapanyeya nno okhumelenly’aya.

⁶⁶ Vano, ela kinwerya ohimya paahi ntoko olavula waka mmansaka. Kookupali wira ottuli ohinatthi wiiraneya opwetexiwa ni mutaseke, ottuli wu mahiku a Yobi, ni sikina, wira awo yaalikela okathi ni ittheneeri. Ni ninnisuwela, ahiiso ottuli okathi uwo ohinatthi, wira olumwenku waaphwanyaneya woweemela. Vano nto mwaha w’etampi ya mutthu, omora w’olumwenku, ni khuthetemana vano maasi khusareya, tivo nirin’ahu ixeele suulupale sooriirexa, ni sikina, ni osulu wothene ni epantte ya vathi v’elapo sisareiyeye exeelu. Hiyo noosuwela eyo. Ni elapo khekhanle yoweemela oratteene. Ti yoothetemana. Eyo eroottikinyeya okhuma vaary’aya ni mweeri ni ittheneeri, vatthu iyo saawehaaya-vo, vano khususa nto. Ahiiso—ahiiso, khivaaweryaneya waalikela-tho okathi ni yeeyo, okhala wira emphwanyaneya yoothetemana, eri yoothetemanela ottuli. Tivo, eyo khayaarowa ovirela ittheneeri iye okathi mmosaru, okhala wira yo—yookhuma voopuroni wa ittheneeri iye. Munniiwa saana? Kookupali wira mwaha wa yeeyo.

67 Eyo eroothetemanela ottuli mwa mukhalelo owo. Ni eyo enooniherya paahi wira ela ehuhu paahi y'okathi. Khamunwerya woona? Muluku khorina itthu ota va nipuro naya. Owo onoohiya paahi eyo wira eyo erowe siiso okathi vakhani. Ni vekeekhai kinnaamini wira ti yeeyo yiiraneiyе.

Ni mahiku ala ookiserya Muluku onrowaawe wuupululela isiiri iya Ekereja. Owo khanaireke eyo khalayi. Nto etthu Owo ohiireny'awe, eri wira Ekereja ekhale ewehawehaka ni elompaka okathi wothene, ehisuwelaka okathi jaarwaaya. Masi muupuwele, mwa Daniyeli 12, Owo ohimnye wira, "Ale arina ankhili animwiiwa anoosuwela vookiserya, nihiku nla nookiserya." Munnona? Oovaheriwa yoowo.

68 Eroho y'ankhili enoorwa Mukereja, wira esuwelihe Ekereja, ni wuupulula wa Eroho Yowarya, ekelihaka Ekereja ni osuweliha nihiku xeeni ninkhal'ahu. Siiso ntoko Kapiriyeli aaruuly'awe wa—wa Daniyeli, Eroho Yowarya ennirweela Ekereja mahiku ookiserya, wira yuupulule itthu iya suulupale, soowiixerya, sa siiri. Munniiwa saana vano? [Muthukumano oniira, "Amen."—Mol.]

69 Vano, eyo yaamukumiherya ota mwaakha wa esomelo ittheneeri wala mwaakha Juliano, ekalentaariyu, moone, mwaakha masooniku, okhala wira olumwenku ti woothetemana. Hiyo othene ninnisuwela eyo, mwaha w'osoma oxikola. Ni wookhuma vooপুরoni, tivo awo, ittheneeri iye, khasaarowa ovira mphironi mw'elapo okathi mmosaru. Tivo, ekalentaariyu y'oRooma ti yoovonyeya, nave, okhala wira khivanweryaneya okhaliha vamosa mahiku. Sookhala itthu sinci-ene kaakhanly'aka olavulaka va. Hiyo ninoon'ahu wira, hata v'ephattu ene, enniniixuttiha wira ari mahiku miloko miraru oolikana mwa eyaakha.

70 Vano, nrowe nikuxe Wiisuupulula vaavo orin'ahu orowa va mahiku a maprofeta manli. Biblia ohimnye wira, "Awo yaalaleiye mahiku ekonto emosa ni mahiku imiya piili ni miloko mithanu na mosa." Vano, mukuxe ekalentaariyu ya esomelo ittheneeri, eyo vekeekhai enoovonya vanci-ene okhala iyaakha tthaaru ni nuusu. Ni mukuxe ekalentaariyu y'oRooma nirin'ahu olelo, enoovonya vanci-ene. Masi mukuxe ekalentaariyu y'oprofeta, nto ari mahiku ekonto emosa ni mahiku imiya piili ni miloko mithanu na mosa, mahiku miloko miraru mweeri mmosa. Munnona?

71 Hiyo nirina mahiku miloko miraru miyeeri kamosa-kamosa, miloko miraru ni nimosa mukina, miloko miili ni mathanu na mararu mikina. Moone, hiyo niri othene ootapanyeya. Masi Muluku khorina otapanyeya, mmosa wowaatta mahiku, wooyeva mahiku. Owo onikhaliha yoolikana vamosaru. Ayo, mulopwana. Yoolikana vamosaru, mahiku miloko miraru mweeri mmosa; kahi miloko miraru ni nimosa, vano miloko miraru, etthu ekina-

tho. Munnona? Masi yothene eyo yiiriwe mw'ephimelo yuulupale ya Muluku, wira ekhalihe Ekereja ewehawehaka ni elompaka, okhala oolikana, okhalana ikuwo sanyu sookatthiwa ni Ephome ya Mwaapwittipwitthi. Masi, oh, mahiku ala ookiserya, Owo aahilaiherya! Uh-huh. Vano hiyo ninnoona vatthu vankhal'ahu. Vano, muupuwele, yoothhuneya, yoothhuneya emosa, wira yeela.

⁷² Vano, vaakhanle wira yaari mathanu na maili... Nkawehani, ari mahiku miloko mixexe ni mathanu na maxexe oolikana ene... iyaakha miloko mixexe ni thanu na xexe, kiireke, okathi w'otekiwa empa y'olompa. Thanu na piili, ti isumana thanu na piili s'opofeta, isumana thanu na piili, 'okhala wira siri isumana thanu na piili sivaheriwe empa y'olompa, wira etekiwe-tho empa y'olompa. Ni yaatekiwe iyaakha miloko mixexe ni thanu na xexe. Vano nookhalana etthu enihimya okathi wa isumana, 'okhala wira Bibilia ohimnye wira, Nlaikha niirale, saavinre isumana thanu na piili mpakha otekiwa empa y'olompa. Ni vekeekhai saari iyaakha miloko mixexe ni thanu na xexe etekiwaka empa y'olompa, okhuma—okhuma mahiku yeetaka 14 mweeri wa Marsu 5 A.C.—538. Mpakha empa y'olompa olokihiwa-tho, ni iphiro olokihiwa-tho, iyaakha miloko mixexe ni thanu na xexe soolikana. Tivo, ninkhalana exeenii? Ninkhalana exeenii? Tthiri, vakhala wira isumana thanu na piili sinihimya iyaakha miloko mixexe ni thanu na xexe, vano esumana emosa enkhala iyaakha thanu na piili. Ni thanu na piili vaara vathanu na vaili enkhala miloko mixexe ni thanu na xexe. Eyo ekeekhaii. Eyo vo.

⁷³ Tivo vano khuuwo-tho waakanyerya yeeyo. Noosuwela vano wira khula esumana yaahimya iyaakha thanu na piili. Muhiiwa saana? Nrowe nihimye hoothe. [Munna Branham ni muthukumano anlavula vamosa—Mol.] “Esumana emosa enkhala iyaakha thanu na piili.” Vano noosuwela wira nihiiwa saana. Esumana emosa enkhala iyaakha thanu na piili.

⁷⁴ Hiyo nri vaava va, esumana yoopacerya. [Munna Branham onthoonya elatarato—Mol.] Iyaakha miloko mixexe ni thanu na xexe wira etekiwe-tho empa y'olompa. Vano, mukweretho ola va osulu nno onthoonyerya nloko n'aYuta okathi ninkelel'aya ohoolo. Ola okathi paahi. Nto okathi onlakasey'aya va, onlakaseya ni okathi w'aYuta, okelaka okathi w'Amalapo. Vano onoothikela okhumela-tho n'umukuxa Isarayeli, n'ukelela ohoolo.

⁷⁵ Vano, Amalapo khavaheriwe okathi khata woolikana. Ehimmwe paahi wira, “Okathi w'Amalapo.” Ni ninniphwanya wira, hata Yesu khaavahenrye okathi woolikana. Maana hiyo ninniphwanya va, mwa Luka 21:24, Owo ohimnye wira, “Awo anoomunyakatta Yerusalemu mpakha Amalapo...” Mukihiye kihimye yeeyo. Kinihimya paahi ni muupuwelo. Mukihiye kisome, okhala wira enrowa okhala mufiitani va, ni hiyo ninthuna nikupali wira nirina yoolikana. Vaareera, mwatthuna

vale okhunla ni miyo vaavo, Luka Oowaarya 21:24. Miyo kiroosoma ela voowooneya, vooreera ntoko saawery'aka.

Nto animwiiwiwa ni xoowa, ni anookuxiwa . . .

Owo onaahimya aani? aYuta. Iwo waari opwetexiwa w'empa y'olompa, mwaakha wa 70 D.C.

. . . nto awo anookuxiwa erowaniwe ilapo sothene: . . .

Vano muupuwele, kahi oPapilooniya paahi, kahi oRooma paahi, masi "mulaponi mothene." Ti weiwo muYuta ory'awe olelo, "ilapo sothene."

. . . nave Yerusalemu onoonyakattiwa n'Amalapo, mpakha okathi w'Amalapo omalela.

⁷⁶ Vano, wookhala okathi woovaheriwa, masi khaavo onsuwela onrowaaya okhala. Munnona? Eyo esiiri, moone, okathi w'Amalapo. Masi, aYuta. . . Nto, hiyo khanikhanle ohiyaka okathi ene ni Ekereja, hata Eyo eroothikela ottuli wala hata Eyo enikelela ohoolo, wala etthu Eyo eniir'aya. Khamukhanle ohimyaka ni yeeyo. Masi, mwaawehe aYuta, eyo t'ekhanle ekalentaariyu y'okathi. Munnoona yeeyo? Muluku ohaavaherya awo voolikana nihiku, ewoora, n'ukathi, masi Owo khonaavaheke Amalapo. Owo aavahenrye aYuta, tivo nrowe naaweheke aYuta, nto ninimoona vatthu vary'ahu.

⁷⁷ Vano, vano, isumana thanu na piili saari iyaakha miloko mixexe ni thanu na xexe. Hiyo nookhalana eyo voowooneya vano, wira esumana emosa enkhala—esumana emosa ti iyaakha thanu na piili; esumana emosa, iyaakha thanu na piili.

⁷⁸ Vano ninnihimeeriwa, "Okhuma okathi orummwaaya. . ." Vano, va ti nipuro vanikhumelel'aya mulattu. Vano hiyo ninnihimeeriwa:

. . . okhuma okathi orummwaaya otekiwa-tho muttethe mpakha Mesiya (nto Mesiya aari Kristu, vekeekhai) sinoovira isumana thanu na piili, ni isumana miloko mithanu na mosa ni piili: (enikhaliha isumana miloko mithanu na mosa ni thanu na xexe) . . .

Munnona? Vaareera. Vano thanu na piili vaara miloko mithanu na mixexe ni thanu na xexe sinkhala iyaakha imiya xexe ni miloko mithanu na miraru ni iyaakha tthaaaru. Vano, munnilepa? Mwaatthunaka wira kitthikele, kinootteeliwa murima wira.

⁷⁹ Vano ninnihimeeriwa, "Okhuma okathi varummwaaya otekiwa-tho muttethe, mpakha Mesiya, sinoovira thanu na piili," (thanu na piili, iyo ti soopacerya—soopacerya va) "isumana thanu na piili, ni miloko mithanu na mosa ni piili," enikhaliha, miloko mithanu na mosa ni piili nto thanu na piili sinkhala miloko mithanu na mosa ni thanu na xexe, isumana miloko mithanu na mosa ni thanu na xexe. Thanu na piili vaara miloko mithanu na mosa ni thanu na xexe saarowa okhala iyaakha

emiya emosa ni miloko mithanu na miraru ni tthaaru. Tivo, mpakha Mesiya . . . Vano ninkela epantt'ila *va*. Mpakha Mesiya, sihaana okhala iyaakha imiya xexe ni iyaakha miloko mithanu na miraru ni tthaaru, iyaakha imiya xexe ni iyaakha miloko mithanu na miraru ni tthaaru.

⁸⁰ Vano, vano, Yesu, Mesiya, aaheetta n'ikhavalo mmuttettheni m'oYerusalemu, ooxintta, ottuli wa mwaapuuru ootteela, Ettiminku ya Makukhu, mahiku yeettaka 2 Abril, eyaakha 30 D.C. Yesu aaheetta n'ikhavalo muYerusalemu Ettiminku ya Makukhu eyaakha 30 D.C. Nto vano, vano, okhuma eyaakha 445 A.C. mpakha 30 D.C., sinkhala iyaakha imiya xexe ni miloko mithanu na miili ni thanu soolikana.

⁸¹ Masi, ntoko simanly'ahu woona, wira isumana miloko mithanu na mosa ni thanu na xexe sinkhaliha iyaakha imiya xexe ni miloko mithanu na miraru ni tthaaru. Vano, ti vaavo mulattu vankhum'aya, vaavo vo. Munnona? Nirina paahi, ni ehimeryo ya Bibilia va, okathi, iyaakha imiya xexe ni miloko mithanu na miili ni thanu. Ni, vekeekhai, sinkhala iyaakha imiya xexe ni miloko mithanu na miraru ni iyaakha tthaaru, ohaleela iyaakha thanu na tthaaru.

⁸² Vano, Muluku khokhanle ohiyaka ovonyeya. Vakhala wira Owo ohimye wira yaarowa okhala mahiku manci-ene, ankhala mahiku manci-ene. Owo ahimya wira t'owaatta, t'owaatta. Vano ninrowa wira exeeni? Vano, 475 A.C. mpakha 30 D.C., iyaakha Juliano wala sa esomelo ittheneeri, seiyo sikhanelle imiya tthaaru ni miloko mithanu na mosa ni thanu ni epante ya neexexe ya nihiku mwa—mwa khula emosa. Masi hiyo navukula mahiku awo mpakha ekalentaariyu ahu y'oprofeta . . .

⁸³ Vano mukihye keemele vaava minuutu mmosa paahi. Wira musuwele voohihoverya hata vakhani, Miyo nkaarowa okupali iyo nipuro nimosa paahi. Kinoowerya okuxa ni Soolempwa sothene ni owooniheryani wira mahiku mathanu na maili ti mathanu na maili yaawo, esumana emosa i—iyaakha thanu na piili, mBibiliani. kinoomalaru wira va, mwa Wiisuupulula kapiitulu 13, ahiiso kapiitulu 11 versiikulu 3. Maprofeta awo anrowa olaleerya mahiku ekonto emosa ni imiya piili ni mahiku miloko mithanu na mosa, yaawo ari eriyari y'esumana yookiserya y'aYuta, nto anoookumihiwa vano Harmaxitoni onookela. Vano vakhala wira ti siiso, eyo eri vo emaara ekina, mahiku miloko miraru mweeri mmosa. Munnona? Vano, awo—awo kahi mahiku miloko miraru ni mahiku miloko miili ni mathanu na mararu, ni siiso. Ankhala mahiku miloko miraru oolikana mweeri mmosa, khula okathi.

⁸⁴ Ekalentaariyu ahu y'oprofeta enniniruuha mpakha mahiku imiya tthaaru ni mahiku miloko mithanu na mosa, ntoko sirumenly'ahu naanaano mwa Soolempwa. Vekeekhai nirina imiya xexe ni miloko mithanu na miraru ni tthaaru. Eyo

vo, imiya xexe ni miloko mithanu na miraru ni tthaaru. Va nirina eyooniheryo y'ekeekhai y'oprofeta, ekeekhai voolikana ene. Tthiri, okhuma okathi orummwaaya otekiwa empa y'olompa, mpakha opwetexiwa, okathi amukhottaly'aya Kristu khumwiiva 33 D.C., okathi Kristu iiviwaawe, vekeekhai sinkhala iyaakha imiya xexe ni miloko mithanu na miraru ni tthaaru.

Vano, okhuma okathi orummwaaya otekiwa-tho Yerusalemu, saakumiheriwe isumana thanu na piili, yeeyo enihimya iyaakha miloko mixexe ni thanu na xexe. Ni iyaakha miloko mixexe ni thanu na xexe sinoolikana oratteene. Ahe, okhuma okathi otekiwaaya-tho empa y'olompa mpakha Mesiya, saari iyaakha imiya xexe ni miloko miraru ni thanu na tthaaru. Tivo, imiya xexe ni milo-...iyaakha imiya xexe ni miloko miraru ni xexe. Nto imiya xexe ni miloko miraru ni xexe (okathi), miloko mixexe ni thanu na xexe, sinkhala iyaakha imiya xexe ni miloko mithanu na miraru ni tthaaru soolikana sene. Eyo eroolikana saana, nihiku nene voolikana, okhuma nihiku mpakha nihiku. Amen! Eyo vo.

⁸⁵ “Mesiya Mukhulupale onimoorwa.” Munnona? Thanu na piili vaara miloko mithanu na mosa ni thanu na xexe sinkhala imiya xexe ni mil-...ni—ni iyaakha miloko mithanu na miraru ni iyaakha xexe. Vekeekahi, eyo enoolikana orateene. Tivo, nto, hiyo noosuwela oratteene, noosuwela voolikana ene, wira Soolempwa ti soolikana. Ela eri va. Masi, moone, sothene iya...

⁸⁶ Okathi Muluku aarin'awe olumwenku wa mutaseke ohinatthi vano khupwetexa ni maasi, khurukunxa ehimeryo ya mahiku w'esomelo ittheneeri; vano nto aRooma khukela khupaka ekalentaariyu aya, yeeyo emmana n'utupha, ni siiso. Ni kookupali, wira, hata munsikolopeetiya memmo onsomaakamo.

⁸⁷ Vano, p'uhimya wene, Munna Kenny Collins, ori mpaani mu voosiis'ula, Kenneth Collins? Moosuwela okathi okiveleelihenry'anyu nikuttha nle nuulupale n'ensikolopeetiya? Munnuupuwela yeeyo? Mwaakiveleelihale iwe yoophiyaka ekamiyawu ntero. Miyo khuupuwela, “Kinrowa wiiriha exeni yothene ele mutthu oohisuwela ntoko miyo?” Moosuwela, Apwiya yaamuweettiheryani, Kenny. Ti memmo kiphwanyaly'aka ehapari iyo, munsikolopeetiyanani memme ya khalayi, “okathi,” ni kaamusoma. Nto Becky onnirumeela oxikola wawe. Miyo kinnikhalanaka vathi moosomani mwaka, musaala mwaka m'osoma ya vathi. Vano hiyo khurowa iwe khukuxa, nto iwe hiyo khuphavela, khuphwanya, voolikana ene, ni ikalentaariyu sothene ni okathi otonko okhala. Munnona? Vano, noophwanya.

⁸⁸ Eyo vo, voolikana, iyaakha imiya xexe ni miloko mithanu na miraru ni tthaaru. Okhuma okathi orummwaaya olokiha e—olokiha empa, mpakha okathi wa Mukhulupale Mesiya

okhoottiwaawe, sinkhala iyaakha imiya xexe ni miloko mithanu na miraru ni tthaaru, ni ekalentaariyu.

⁸⁹ Vano moone, hiyo ninrumeela ekalentaariyu yeela va. Okhala wira, Muluku orumenle ekalentaariyu yeela va, vano Owo ohaana orumeela yeeyo okathi wothene onihala mBibiliyani. Eyo ekeekhai? [Muthukumano oniira, “Amen.”—Mol.] Muluku khanrukunuwa. Tivo, vakhala wira isumana thanu na piili saari iyaakha miloko mixexe ni thanu na xexe, isumana thanu na piili tho sinkhala iyaakha miloko mixexe ni thanu na xexe. Esumana emosa iyaakha thanu na piili, moone, tivo ennikhaliha yoolikana. Nto vakhala wira eyo yoolikana oratteene vale, yoolikana-tho orateene. Amen! Oh, wulu! Eyo ennikitannya othene miyo. Oh, miyo—miyo onnikisivela onnikisivela osuwela etthu enihimy’aka. Miyo—miyo—miyo okisivela.

Okhala wira, ntoko mutokweene aakihimeery’awe, oKentucky wu, miyo, khwira, “Okisivela omwiiwa mutthu alavulaka, onsuwela etthu enihimy’awe.”

Miyo khwira, “Ni miyo, nave.”

Owo khwira, “Owo ti mulattu ni nyuwo alaleyi, khamunsuwela enihimy’anyu.”

⁹⁰ “Ahe,” miyo khwira, “kinnixukhurela ottotopela wanyu, masi sookhala itthu kamosa-kamosa hiyo nihinsuwel’ahu etthu enihimy’ahu.” Uh-huh. Ti yeeyo. Koosuwela wira kooyariwa vasya. Koosuwela wira koovira mookhwaani khuphwanya Ekumi. Koosuwela wira ookhala Muluku, okhala wira kinnilavulaka ni Yoowo.

Owo onnilavulaka mwa miyo, ni olavula ni miyo, ni olavula n’akina, n’ukileela itthu s’athu akina. Ni koosuwela wira Owo Mulukuu. Ti yeeyo. Owo aari ooreera murima okhuruwa okitthuniherya okhalana elatarato aka okumihwa ni Yoowo, yeeyo olumwenku wa siyensiya ohinwery’aya okhootta. Ni kookhunla Soolempwa khoona wira eyo eri wira emaliherye okathi ula w’ekereja, vekeekhai yeeyo eniireya, wira kisuwele wira niri va. Amen.

⁹¹ Vano, hiyo pooti ohikhala oosoma. Hiyo pooti ohikhala athu a nloko noosuwanyeya, n’itthu siiso. Hiyo pooti ohikhala athu oottitimiheya, masi ninnimusuwela Muluku. Hiyo ninnimusuwela Owo okhala wira yookhala Eroho Yowarya, moone, ni eyo ennilikana Masu ni Masu mwa Soolempwa sothene, vano noosuwela wira eyo ekeekhai. Hiyo ninkhala mahiku ookiserya.

⁹² Vano, vo, muupuwele vano, wira, eyaakha ela y’oprofeta, ya mahiku imiya tthaaru ni miloko mithanu na mosa mw’eyaakha. Nkawehani itthu sothene sikina. V’ephattu, athu kamosa-kamosa a nyuwo mwaaweryaka osuwela saana, hata athiyana, ni siiso. Munnona? Miloko miraru, mahiku miloko miraru, moone wira ti—ti. . . Ephattu yothene etthokihawe siiso. Munnona? Kahi

miloko miraru ni nimosa, miloko miraru, miloko miili ni thanu na tthaaru, wala etthu siiso. Ankhala mahiku miloko miraru oolikana. Wa khula eyaakha, eyo ti ekalentaariyu y'oprofeta, mahiku imiya xexe ni miloko mithanu na miraru ni mararu.

⁹³ Va nookhalana eyooniheryo yoolikana y'oprofeta, imiya xexe ni—ni iyaakha miloko mixexe ni thanu na xexe, khalayi, saari soolikana. Vano, sothene saalaleeriwe wira siiraneye. Nto isumana iye miloko mithanu na miili khasinaireyeke okathi ule, tivo soohala sa mahiku ookiserya vano.

⁹⁴ Vano, axinn'aka aPentekosite; vano, axinn'aka Anamoona a Yehova; munnisuwela? Munnisuwela nipuro atthu ikonto imiya miloko muloko ni miloko mixexe n'ikonto xexe akhumelenly'aya? Munnisuwela nipuro miiriirya iya suulupale sothene sa Wiisuupulula sikhumelenly'aya? Okathi w'aYuta, kahi wawihu. Khiivo hat'etthu elempwe mwa yeeyo, Ekereja paahi eniitthokiha n'urowa. Tthiri, ni owerya wa Muluku, hiyo ninnipaka miiriirya ni mitikiniho. Hiyo noosuwela eyo. Masi etthu y'ekeekhai yaamalenle va w'aYuta; Kinihimya, owerya, w'ekeekhai onivara muteko, onipaka miiriirya. Xexe . . .

⁹⁵ Atthu ikonto miloko muloko ni miloko mixexe n'atthu ikonto xexe khankhumelela vo. Awo ari mu . . . Awo khankhumela kapiitulu 3. Awo arisa ohoolo iwo mwa Soolempwa, ottaiwene. Nto vano ninnoona wira sothene iya saarina wiiraneya, saari okathi ula w'esumana yanamiloko mithanu na miili, esumana yookiserya. Vano, vakhala wira awo yaahimala okhalana isumana miloko mithanu na mosa ni thanu na xexe, khukhala voolikana ntoko Muluku aahimaly'awe wira yaamukhala, khwiiraneya siiso ntoko Muluku aahimaly'awe wira yaamwiira, nto yookhala-tho esumana emosa alaiheriwe aYuta. Vano, axinna, mukhale oolikana paahi. Munnona? Munnona? Nwiriwane moota niry'ahu vakhiviru. Esumana yookiserya, thanu na piili, eyaakha yaneethanu na piili.

⁹⁶ Vano, atthu othene anniiwa orateene mpakha va, mwaaiwaka vale? Atthu othene anniiwa orateene mpakha va, wira eyo Ekeekhai voolikana. Owo Bibiliaa. Iyo iyaakha s'oprofeta.

⁹⁷ Vano ninkelela ohoolo, ni nookhalana awo va emukhoottaka Mesiya, moone, okhuma e . . . mpakha okhoottiwa wa Mesiya, esumana yookiserya.

⁹⁸ Vano, kintthuna keemele vaava okathi vakhani paahi kileeliherye yeela. Wira, okathi amukhoottaly'aya Mesiya, waari okathi awo, vekeekhai, amukhoottaly'aya Yesu ntoko Moopoli, khimukhomela Yoowo. Muupuwele va etthu ehimmy'awe Bibilia, "Vano Owo onimwiiviwa, masi kahi mwaha wa Yoowo mwaneene, Mesiya, Mukhulupale." Vano muupuwele moota oprofet'ola olikann'aya saana. Kintthuna ela yookeleni. Wira, vakhala wira oprofet'ola oroonina v'exekoni, okathi voolikana

ene, ni voolikana ene enamuna waahimaly'aya wira waamwiira; yaneethanu na piili ila ekina, isumana iya thanu na piili sinihala. . . iyaakha thanu na piili, kiireke, (mahiku mathanu na maili: iyaakha thanu na piili), sinoorowa olikana oratteene ntoko Soolempwa.

⁹⁹ Vano muupuwele, Owo aahiwiwa, Mesiya. aYuta, Muluku khumala ovara muteko ni yaawo. Awo kharonwe-tho ottaiwene. Vano awo yaahimwaramwariwa ni Omwene w'oRooma. Vano, nto, mwaweha vale vakwaaturu vaka va, kinthhuna wira musuwele oratteene yeela ni mukwerethe. Munniweha va orin'aka-vo mwiikimanyo? Ti vaavo awo yaamukhoottaly'aya. Masi okathi khurowa ohoolo vakhani mwa yeeyo, moone. Mwaha wa xeeni? Miloko miraru, miloko mixexe, miloko mithanu, miloko mithanu na mosa, miloko mithanu na miili. Iyaakha miloko mixexe ohoolo waya, Titu, mukhulupale a anakhotto muRooma, aahimpwetexa Isarayeli, Yerusalemu, khwaamwareliha atthu molumwenkuni mothene. Moone, Titu, iyaakha miloko mixexe ohoolo waya. Tivo, vekeekhai, okathi w'aYuta oronwaaya ohoolo mpakha omalela. . .

¹⁰⁰ Muluku khaavara muteko n'awo. Owo aavanre muteko n'awo mpakha vaamukhoottaly'aya Kristu. Vano okathi amukhomenly'aya Kristu, awo yaahikhwela, "Ephome Awe enimorele hiyo n'an'ihu," nto ennikhala siiso okhuma vaavo. Masi awo ehinatthi omwaramwareya. . .Nwiriyaane! Oh, munna! Awo othene ehinatthi omwareela mulaponi mothene, saatthuneyiye wa Muluku iyaakha soophiyaka miloko mixexe wira epwexakasiwe empa y'olompa vano khwaamwarya mulaponi mothene. Masi Muluku khuhiya ovara-tho muteko n'awo. Muluku khuhiya ovara-tho muteko n'awo.

Owo khupacerya ovara muteko n'Amalapo. Nyuwo moosuwela eyo, munniisuwela saana vano? Vano, va hiyo nimpacerya okathi wa ikereja, okathi w'Amalapo, Muluku khaahaaya aYuta.

¹⁰¹ Vano, munn'aka misionaariyu, eyo yaari ya—ya—y'aYuta, munna mmosa oophenteya va nipuro nlo. Va ti nipuro kinthhun'aka wira nvare ni musuwele saana. Moone, Muluku aahihiya ovara muteko n'aYuta vaavale vale, okhala wira Muluku kweekwe onvara muteko ni Isarayeli ntoko nloko nimos. Hiyo othene noosuwela wira Isarayeli nloko nimos. Amalapo muxovo w'atthu, ni Owo aahaana okuxa muxovo w'atthu eriyari y'Amalapo, wira nikhale Nsina Nawe. Ninoophiyerya yeeyo muhina mwa minuutu vakhani.

¹⁰² Masi vano, okathi ula mithanu na miili hiyo nisomaly'ahu, muhina w'okathi w'Amalapo, okhuma okhomeliwa wa Kristu mpakha emalelo y'okathi wa ekereja. Vano noosuwela saana eyo. Nihoona eyo, yothene. Vano nimphiyerya nipuro nimos nikhany'ahu okwanyaka yeela, okela mwa Ikanyero Thanu

na piili, Ihasara Thanu na piili, Malope Mathanu na maili, ni sothene iyo, ni okhaliha vamosa; ovara wothene muteko n'aYuta, ni ehukhumu ya Muluku v'atthuni elapo ya vathi. Ni ale ahanle. . .

¹⁰³ Muupuwele, okathi ula muulupale w'olupatthiwa, aakhala Amalapo imilyawu sene anrowa okhwa memmo. Mwaakameliwa ookhoottiwa, osu—osuulu ule wa muthiyana waahanle, mwali harusi aarumpe, owo onivira memmo. Ti—ti yoowooneyexa ntoko isumana iya miloko mithanu na miili; yoowooneyexa. Vano awo anoovira mwa yeeyo. Tivo, mwaahikhalane Eroho Yowarya, vanreerela mwaakhele Yeeyo vowaakuvaxa ntoko sinwery'anyu. Hiyo niri okathi wa wookiseryani.

¹⁰⁴ Vano nwehe, okathi mithanu na miili wa ekereja. Vano, nkirina ovira mwa seiyo, okhala wira nookhalana ifiita iyo, ni siniheliwa ntoko iliivuru ni itthu sothene. Wira, owo waari okathi Muluku ohinahimyek'awe wira yaamukhala mahiku manci-ene, iwoora sinci-ene, wala iyaakha sinci-ene; Owo khonahimyeke etthu. Owo iirale, "Mpakha okathi w'Amalapo omala." Iirale, "Mpakha!" Makokoro anoonyakattiwa mpakha Muluku ohiya ovara muteko n'Amalapo.

¹⁰⁵ Vano, ninnoona, wira moovirani w'okathi ula, naahaana Eroho Yowarya yaaruule. Vano nto Muluku, ottuli wopaceryani, aahipacerya ohimya okathi uwo, okhoottiwa wa Kristu, Muluku aahimooniha Yohani oratteene etthu jaarowa okhumelela okathi w'oweettiha omwene w'Amalapo. Vano, moone, hiyo khanirina okathi woophimmwa, ntoko aYuta, masi nookhalana ethoonyeryo. Hiyo nookhalana n—nripu n'ethoonyeryo. Ahe, Muluku owiirenle aYuta siiso ntoko Owo saahimaly'awe wira aamwiira muhina mwa iyaakha iye miloko mithanu na mosa ni thanu na xexe, ahiiso, saari iyaakha imiya xexe ni miloko mithanu na miraru ni tthaaru, masi isumana miloko mithanu na mosa n'isumana thanu naxexe. Nto ehanle esumana emosa, esumana emosa nlelo yookumiheriwa.

¹⁰⁶ Vano, hiyo khanikhanle ohelelaka eyo *va*, 'okhala wira ela ti y'Amalapo, Ekereja. Akavi ansuwela oratteene yeeyo? [Muthukumano oniira, "Amen."—Mol.] Vano, ola Wiisuupulula, opacerya kapiitulu 1, mpakha kapiitulu 3 onnirowa mpakha Lawotiseya. Vano, ninnoona oratteene moota yaary'aya yothene Ekereja, olumwenku w'Ekereja mmansaya. Muluku khonamuheleke-mo natampi, owo paahi. . . 'voohikhala wira onthuna woopowa. Masi, olumwenku w'Ekereja wothene waari wootteela; vano khurwa aNikolawo yaatthunne opaka mutthenkeso. Atthu oottittimiheya khukela mwa yeeyo. Ela yiireiye oNicea, Rooma, okathi yaarin'aya Muthukumano w'oNicea. Nto awo yiirale exeenii? Awo arootthokiha ekereja, vano khupacerya waalupattha aKristu. Vano, okathi woottharelana wa ekereja, oKristu, mwa enamuna y'opatiiso wa Eroho Yowarya, waahala, omalamalihiwa.

¹⁰⁷ Masi nto, ntoko nyuwo munsuwel'anyu, wira koothhika khukhalana wahala ene, *Axitiithi a oNicea*, ni *Axitiithi Ohinatthi Nicea*, ni awahala othene a ekereja, ni soolempwa soothuneyexa sa khalayi kiwenry'aka ophwanya, ni khula emosa wa seiyo sowooniheryani wira Ekereja Muluku aahimy'awe khayaari ekereja Katolika ele yoothokihwa nnakhala mutthenkeso mukina. Muluku aahimya, ittheneeri iye suulupale sothene s'okathi, yaari atthu yiixuttiha opatiiso w'Eroho Yowarya, opatiiso mu Nsina na Yesu Kristu, ni orwa wa Eroho ya Muluku, ni—ni olavula ilavulelo, ni otaphulela ilavulelo, n'uvoniha, ni miiriirya, ni ithooneryo. Ti yeeyo Muluku onikumihery'awe. Owo khokhanle orukunxaka muupuwelo Awe, wira, "Ahe, ala t'ankhili Aka a Ekereja, Ekereja y'arummwa; vano ankhili Aka ti ekereja yoottittimiheya." Muluku khanrukunuwa! Nlelo Eroho Yowarya.

¹⁰⁸ Nto hiyo ninooweha ni wooniherya, nto, noonaka mukhalelo wa Muluku ni etthu Owo. . . vano nto niwooniherya Soolempwa Sawe. Vano nto n'umukuxa wa—wahala onooniherya wira eroolukama nipuro nene nenlo; voolikana ene vookumana, m'okathi, wa itthu sothene Muluku aahimmy'awe mwa Yohani, saamurowa okhumelela, sookhumelela okathi yoowo w'Amalapo.

¹⁰⁹ Vano, niniiphwanya mmansihu, woohikhala hata ohoverya, Okathi wa Lawotiseya. Noosuwela wira niri vaavo. Noovira Okathi wa Lutero; noovira okathi wa Wesley; vano niri Okathi wa Lawotiseya, okathi wookiserya. Ni ninnisuwela wira khula emosa wa ikereja iye saahikhalana namitthaka. Nihoona eyo. Ittheneeri thanu na piili mmatatani mw'Awe, seiyo saari Iroho Thanu na piili saakhumme wa Muluku. Khula emosa yaahikhalana namitthaka. Ni ninniphwanya, ni Bibilia, mukhalelo xeeni wa namitthaka owo waarowaaya okhala, ole waari mukhalelo wa namitthaka owo aarowa orwa. Nto ninnimuphwanya mulopwan'owo mwa wahala aarina mukhalelo yoowo. Vano nto ninnimuphwanya mulopwan'owo mwa wahala, aarina mukhalelo yoowo, ninniphwanya wira owo aari namitthaka a okathi yoowo wa ekereja. Vano ninnoona Eroho xeeni, ni etthu mulopwan'owo iiraly'awe. Ni ninniphwanya wira owo aari mutthu oowaarya oosareya Eroho Yowarya, Irinewu Oowaarya, n'ale othene akina, ni—ni Columba Oowarya, n'axilopwana ale othene oosareya Eroho. Nto hiyo noosuwela eyo, ni Soolempwa, wira muthinto owo wa Eroho waahaana okhala mwa mutthu a enamuna yeeyo wa okathi ene yoowo. Eyo vo, tivo khekhanle ovonyeyaka. Amen! Avuwihwe Muluku! Eyo paahi. . .

¹¹⁰ Miyo nkisuwenle, munna. Eyo ennikooniha oreera ovikana etthu p'itthu kinsuwel'aka, okhala wira ti Masu a Muluku anlavula Aneene. Kaamwiiwaka Muluku ohimya etthu, miyo

kiniira “Amen! Eyo ekeekhaii. Ti yeeyo.” Munnona? Eyo ennimaliha mwaha. Yoomala. “Muluku ohimmye siiso.” Eyo, ni yeeyo vaamala.

Ahe, Muluku ohimmye wira eyo yaarowa wiiraneya siiso, ni hiyo ninnoona mwa wahala ni Soolempwa. Hiyo noosoma sa ekerej’ela, etthu yaarowaaya wira, etthu yaarowa wiiraneya, enamuna xeeni ya namitthaka aakhanle a ekereja yeeyo. “Nla—nlaikha na ekereja ya Lawotiseya. Nlaikha na ekereja ya Sarti, Tiyatira,” sothene iyo soohiyana-hiyana. Ni ninnimutthikela wahala n’umphwanya na—namitthaka a ekereja yeeyo, vano n’umphwanya ole aari. Tivo nto nookweretha eyo, ohela masin’aya, nto awo ari vo. Moone, noosuwela wira eyo yoolikana orattene.

¹¹¹ Vano, ni noosuwela wira Muluku aari, kweekwe aari, ni kweekwe onikhala, oovirikanya etiini yoothokihwiwa. Ayo, mulopwana. Owo oohimya. “aNikolawo, seiyo sinikinanara!” *Nickao* enihimya “waaxintta ale antthara.” *Laiko* ti, ale antthara ti “ekereja, muloko.” *Nickao* enihimya “oxintta, opwaha,” mwa moolumo makina, “omukhalaha mutthu oowaarya, mutthu vasulu va mukina.”

Hiyo othene n’ana. Hiyo nirina Mwene mmosa, owo Mulukuu. Hiyo nirina Mmosa Oowaarya, nto owo Mulukuu. Amen! Ni Owo ori eriyari ahu, ni mukhalelo wa Eroho Yowarya. Owo t’okhanle Ole Oowaarya.

¹¹² Vano, noophiya va mpakha okupali saana wira ovira m’o—m’okathi w’aYuta nirina isumana iye miloko mithanu na mosa ni thanu na xexe soolikana, ni wahala, ni ekalentaariyu, ni eyaakha y’oprofeta ya Muluku, emuruuhaka wahala a ekalentaariyu y’oprofeta, okhuma Waataana Wa Khalayi mpakha wa Naanaano, ni nooniheryaka wira vekeekhai ti yoolikana. Munnona?

Vano nookhalana ekereja y’Amalapo okhuma wopaceryani, mpakha nihiku nookiserya, ni noosuwela wira ninkhala nihiku nookiserya. [Munna Branham omanne vapulpitu imaara sinciene—Mol.] Amen! Munniiwa saana? [Muthukumano oniira, “Amen.”] . . . ? . . . [Munna Branham ommana vapulpitu omosa.] Vano, nto, vakhala wira ninkhala nihiku nla nookiserya, woomalalani w’okathi ula, vano niri vayi?

¹¹³ Nwehe, ottuli wenna nno, munnoona eliinya ela ekwerethiwe ottuli *nno*, weiwo Muluku aavar’awe muteko n’aYuta . . . ahiiso ohiyaly’awe muteko n’aYuta, otthuneieye wa Yoowo okathi munci-ene wira aaruuhe. sitthuneieye wa Yoowo iyaakha miloko mixexe wira aakelihe mukhalelo vaavo Owo aakhanly’awe waapwetexaka, erowaka mulaponi mothene. Sothene soomalihiwa, mahiku a Amalapo, Owo aahaana waakhalaha mukhalelo Owo ohinatthi omaliherya Masu Awe. Munnoona enihimya’aka? [Muthukumano oniira, “Amen!”—Mol.]

Othene aniiwa oratteene, yiire, “Amen!” [“Amen!”] Moone, kintthuna kikupali wira munniiwa saana.

¹¹⁴ Vano exeeni ekhumelenle? Nkawehani vasulu v’okathi ula wookiserya w’ekereja. Munnoona okelela ohoolo nno vakhani? Mahiku a Amalapo anoomala. Ni iyaakha miloko mixexe sookiserya, aYuta anikhala etthikelaka oYerusalemu, etthikelaka elapo aya. Aleluya! Munnoona vary’ahu? Saavinre iyaakha miloko mixexe, okhuma wiiviwa wa Mesiya, mpakha Titu opwetexa empa y’olompa ni waamwarya aYuta. Sinikhala iyaakha sikina miloko mixexe Muluku aaliphaly’awe murima inamuna sothene sa maFarawo mapuro othene, khwaahokoloxerya aYuta elapo aya. Masi olelo awo aathikela-tho elapo aya, ni Ekereja eri wookiseryani. Amen! [Munna Branham onimweemela—Mol.] Oh, miyo—miyo—miyo kimpavela osoma paahi; nkinwerya.

¹¹⁵ Nwehe, aYuta ari elapo aya, ni anoothikela ehokolowaka. Mwaphwanya-ru *Ovukuwa w’Ekhotto ya Mulaponi mothene*, epantte yaneili, okathi Mukhulupale a anakhotto Allenby, nuumala Ekhotto Yopacerya ya Mulaponi mothene aaviraly’awe ni ntteeke oYerusalemu khuvara, khimukuxa Yerusalemu. Nto aKristu ale khweetta oYerusalemu erunleene ixapheyo. Nto Allenby khuhiya nnakhala ahimoopale kapwitthi, ahiiso—ahiiso, awo khwiivahererya wa Allenby, atthu a oTurkiya. Nto okhuma vaavo, Muluku khulipiha murima wa Mussolini, murima wa Hitler, murima wa Stalin, mirima s’atthu mulaponi mothene, khuyaanyokha aYuta ale.

¹¹⁶ Vano nto axipalame aalupale yaakhuruwanse, yiihaniwa Eastern Airlines, ahiiso Pan American Airlines, wala etthu p’itthu yaary’aya. Kookupali wira yiihaniwa TWA. Yaari mu—murevistani, erevista *Life*, kookupali wira yaari, *Look* wala *Life*. Kookupali wira yaari *Life*. Iyaakha tthaaru paahi wala xexe sookiserya, nto Muluku onnaatthimakiha aYuta otthikela elapo aya, weiwo yaakhummy’aya-wo iyaakha ikonto piili, okathi Amalapo yitthokihaaya. Nto vano Amalapo aamukumiherya Kristu ota w’ekereja, nittharihaka Wiisuupulula kapiitulu 3. Owo khonwerya hata otthikela mukereja mw’Awe. Khuuvo opuro wa Yoowo wira arowe. Owo ookhoottiwa.

¹¹⁷ Nto ola okathi w’Okuxiwa. Othene ale oovuluxiwa okathi ula *va*, mapuro ala makhaani ntoko nla, t’urowa w’atthu oowaarya woohihimuwani. Moone, hiyo othene ninkumana *vaava* va vama. Biblia ohimnye wira, “Hiyo niri akumi ni ninrowa ohala nihiku ninrw’aya Apwiya khaninrowa waakhoottiha ahiiso waahoolela ale anrupa.” Ephiro yothene okhuma *va, va*, ni *va*.

¹¹⁸ Sayi, munna muPentekosite, munwerya sayi ohelela sothene iyo va Okathi wa Ekereja ya Lawotiseya?

Awo a—awo anoorupa, moovirani wa khula okathi mmosa wa seiya, elipelelaka. “Nto hiyo niri akumi, nikhuru naamukhaani nihanle va, ninhala nry’ene akumi mpakha. . . Orwa w’Apwiya khaninrowa waahoolala ale anrupa; maana nlope na Muluku ninrowa oruma, vano ale akhwiye mwa Kristu t’anrowa opacerya ohihimuwa; nto hiyo ninrowa okuxiwa vamosa n’awo.” Amen! “N’awo,” hiyo nri *va*, nithukumanaka *vaava* va, “wira nirowe nakumane n’Apwiya osulu.” Nto eyo eri vo. Niri vayi hiyo? *Vaava* va. Ti vayi iiviwaawe Mesiya? Vaavo Masu ahimaly’aya. Esumana yanamiloko mithanu na miili enrowa opacerya vayi? Vekeekhai nuumala Ekerej’ela othikiliwa. Vano Muluku onthikela w’aYuta.

119 Khamunuupuwela? Eyo eniireya Ekereja emalakaruru orowa. Ekereja enoorowa, vano aYuta anoopacerya, anookela. Masi, yoopacerya, etthu enttharelana vooloka-vo, kahi muhakalaliho woowerya mulaponi—mulaponi eriyari y’Amalapo. Etthu enttharelana vooloka-vo, ti orwa w’Omwene wa Muluku, Orwa wa Kristu.

120 Vano, mwaatthuna vale, naamuwerya othikela va vano mwa Daniyeli kapiitulu 2, versiikulu 34 ni versiikulu 35. Nto okathi Daniyeli ovahiwaawe. . . kapiitulu 2, 34 ni 35, okathi Daniyeli aavahiwaawe yoowoona wira mahiku a atthu awe yaahimala, ni mwa okathi mmosa, vano owo aahiwoona Amalapo ekelaka. Ni aahoona yoowoona ya nluku nla nuulupale va, ahiiso elatarato ela yuulupale, yaarina muru wa eweero, ni etthirima y’eparatha. Vano nwehe, eyo enootepa elipaka, okhuma eparatha mpakha eweero. Voottharelana, itara sa yuuma. . . ahiiso itara s’eporonse. Vano nto inawu ni metto sa yuuma. Masi ikatha, saari ikatha muloko, ni ikatha iyo saari eyuuma ni oloko. Nto owo khwira, “Vano moonaly’anyu wira eyuuma khentakanxana n’uloko, omwene ola siiso khunrowa otakanxana mmosa ni mukhw’aya, masi anrowa otakanxa ipyo saya vamosa, ephavelaka ohonona owerya wa mukina.” Munnona?

121 Vano, exeeni yaakhumelenle, muru wa weero aari Napukutonosoori, yoowo aataphulenly’awe. Khwira, “Mwene mukina onimoorwa akhale ooyevexa wa nyuwo,” yoowo aari Dario, aMedo-Persa, akuxaka omwene w’Amalapo. Woottharelana waakenle, nuumala aMedo-Persa, aari pani? aKreku, Alexander Muulupale, ni siiso; aKreku khukuxa omwene owo. Vano t’ani yaakunxe mmatatani mw’aKreku? aRooma. Nto t’ani yaaruma olumwenku w’Amalapo okhuma vaavo? aRooma! aRooma, vano, eyo yaari eyuuma.

122 Vano nwehe, Rooma onookhala mpakha wookiseryani, okhala wira oronwe mpakha wookiseryani wa ikatha. Ni owo aahoona marove, oloko; nto awo t’atthu, yeeyo epakaniwaahu. Nto eyuuma, ikuru sa Rooma, onruma khula emosa wa ilapo iyo. Ni Rooma ookhalana ikuru mwa khula elapo vathi v’Erimu.

¹²³ Ori mutthu mmosa mulaponi onwerya omaliha wala opacerya ekhotto, vahikhanle...mwaha w'ohimya nuulumo nimoso. Owo ti paapa. Ankhi owo aahimye wira, "Ohikhale hata muKatolika mmosa oninvenxa kapwitthi." Eyo ennimaliha mwaha, munna, muhimyeke etthu p'itthu enthun'anyu. Epantte yuulupale y'olumwenku, y'oKristu, eKatolika. Munnona? Vaareera. Amala-ru ohimya nuulumo nimoso, enkhala siiso.

¹²⁴ Ntoko sihimmwaly'aya nno, "T'ani..." Ninookelela yeeyo ohoolo. "T'ani onwerya owana ekhotto ni nxeni? T'ani onwerya olavula ntoko nenlo? T'ani onwerya wira? Vano, nrowe nipake elatarato ya nxeni." Owo ti mwaataano wa ikereja, "opaka elatarato ntoko yeeyo." Munnona? Othukumaniha miromolelo vamosa, yeeyo awo amanly'aya wira. Oh, hiyo vekeekhai niri woomalelani. Ti yeeyo tu ehanle, mpatthani. Hiyo niri va woomalelani. Munnona? "Nrowe nipake elatarato ya nxeni," etthu ntoko yeeyo. Elatarato etthu enlikana ni etthu. Munnona? Vano hiyo niri okathi wookiserya.

¹²⁵ Vano nwehe va, woomalelani w'okathi ula. Vano, Daniyeli, kapiitulu 2, versi—versiikulu 34 ni 35, owo aahiweha elatarato ela ni otthokelela wuulupale. Ni aahiweha mpakha Nluku naahipharuwa vamwaako, vohikhala matata, vano Nlo naahiphirikeela vathi khuphita inawu, khupwexakasa yeeyo. Vano, Nlo khinaaphitale vamuru, vano. Naaphitale munawoni; owo waari okathi wookiserya, ikatha iye muloko.

¹²⁶ Moowehe, oratteene va, Mwenye Eisenhower ohinatthi okhuma, muPrustante ookiserya a e...a wAmerika, m'o—m'Okhulupale, yeeyo enihoveri'aka wira onookhalakhala-tho mukina. Masi—masi okathi...wira nooniherye yeeyo paahi, wira atthu yakhunla-ru maitho paahi. Okathi owo othukumann'awe, yaahikhala...Othukumana wookiserya (awo) owo aakumann'awe ni Ruusiya, saahikhala ilapo thanu sa Komunismu s'epantte Onikhuma nsuwa saathoonerya, ilapo thanu s'epantte Onkela nsuwa. Mwenye Khrushchev aari mahoolela a ilapo s'epantte Onikhuma nsuwa. Mwenye Eisenhower aari mahoolela a ilapo s'epantte Onkela nsuwa. Nto Khrushchev, ntoko sinsuwel'aka ni kooleliwa wira, wira mwa nntaava n'oRuusiya, *Khrushchev* enihimya "oloko." Nto *Eisenhower* enihimya "eyuuma," mw'Enkelesi. Eyo eri vo eyuuma n'uloko, khasinrowa otakanxana. Vano owo aahirula exapatho awe khumana vatthattaponi ni yeeyo, ni sothene sikina. Khasinrowa otakanxana.

¹²⁷ Masi yaari mahiku a omwene yoola Mwal'ola, Nluku naapharunwe vamwaako, woohikhala matata, naaphitaly'aya elatarato eyo munawoni. Vano, "Naapharunwe vamwaako." Naahaana okhala mwaako wa nluku. Naapharunwe vamwaako na nluku. Vano, moowehe?

128 Vano, munna murumeyi, ni axinna alopwana n'athiyana, mulaponi mothene. Mwa osuwela waka, Bibilia oopacerya aalempwe, Muluku aamulempe osulu, 'okhala wira awo yaahaana oweha osulu ni woona wira ookhala-wo mu—Muluku Wirimu, wira Muluku ori vasulu vaya. Nto nyuwo mwaweha muSotiyako . . . Vano ohikhale hata mmosa a nyuwo onrowa . . . Mukhale ni Bibila ola va. Munnona? Masi, so—sotiyako, wopaceryani sotiyako onipacerya, ntoko sinsuwel'aka, ti harusi; ookiserya voottharana musotiyako ti Leo Kharamu. Iwo Orwa woopacerya wa Kristu, ni harusi; Orwa waneili, ti Kharamu a nihimo na Yuta. Munnona? Vano nookhalana okathi wa kankuru, ni, nave-tho, moovirani mwa sotiyako.

129 Vano, ninnoona wira aahikhala mukina aalempwe, ahiiso aakhalihwe, nto iyo saari ipiraamite. Mooweha mupiraamiteni, moota yaapacery'aya, yootaphuwa vathi, ntoko mwaako, woopakiwa ni mwala woolipa, ewelaka mpakha ophiya v'ethokani? Masi khenakhaleke emaliheryo yaaheliwe vapiraamite, epiraamite yuulupale iwe w'Ejitu. Mukumihe yawinyu . . . Mwakhalana musurukhu w'epaphelo wa toolare, mpoolosani mwanu, mukumihe epaphelo ya toolare nwehe. Nto munoophwanya va ekanyeryo ya wAmerika epantte emosa, nto epantte ekina yookhalana, vathi, epiraamite. Nto vasulu v'epiraamite, nluku noomaliherya, masi nlo niitho nuulupale saana. Ni eniihaniwa, vathi v'epiraamite yeela, "Ekanyeryo yuulupale." Ohikhaleleni xawawe a wAmerika ekanyeryo yuulupale? Eyo ekanyeryo ya Muluku. Muupuwele, naaniipaka esipo emosa yaamukhaani:

Ephiro yothene mpakha nipuro n'ekeekhai na
munepa,
Nookhala Niitho ninoowehani;
Khula nivalo muneett'anyu, Niitho nla
nuulupale ti noohirupa,
Nookhala Niitho ninoowehani.

Ti yeeyo. Muupuwele, hiyo naanikhalanaka yope—yopeeli mwaamukhaani, niirak'ahu.

Mwaiya vale ni owoka ni wootha, ni mukereja
ohimya onamoona,
Nookhala Niitho ninoowehani.

130 Vano, ekanyeryo yuulupale. Vano, noosuwela, ni nkinsuwela saana, mphimo w'epiraamite. Masi kinooleelani vookiserya, miixuttiho kamosa-kamosa iya, wira moone wira sothene sineetta, vamosa.

131 Vano, epiraamite epacenyere, wira ethoonyerye Ekereja, yootaphuwa vathi vaya. Ni okathi enrwaaya yaattamelaka osulu, enipacerya okhalaxa ntoko mu—mukhalelo w'efunttuli.

132 Vano, ninnoona wira, eyo enoorowa mpakha v'ethokani vasulu, ni awo khanamaliheryeke eyo. Mwaha wa xeeni?

Mwaha wa xeeni? Kinniikoha mwah'aya! Okhala wira Bibilia ohimnye wira Nluku noomaliherya naahikhoottiwa. Awo yaahikhoottiwa.

¹³³ Vano nwehe, okathi wa ekereja...Nwiryane oratteene vano. Muhihaleele ela. Okathi wa ekereja oruule okhuma wopaceryani w'orehererya, Lutero, wu okathi yaaheliwaaya maluku oopacerya, okhanle mwiixuttiho w'arummwa. Vano ninnoona wira, oviraka okathi, okhuma okathi mmosa mpakha mukina, Ekereja yaakhala yooyeva okathi wothene. Mpakha, ophiya ntoko...Lutero aalalenrye okhalihwiwa naxariya. Vano, mwaha w'okhala paahi, ohimya okhala muKristu, mwaamwiwiwa, mahiku o wiwiwa mwaha wo waamini, athu owiiveliwa waamini.

¹³⁴ Vano ninnoona wira, mahiku a Wesley, mwaakhala santu oophirikeya mwamuhimya-ru Kristu okathi ule, Mmetotista musya ole. Athu yaahikhuma va okathi Wesley aarwaawe nno, ni Asbury, awo yaahikhalana mithukumano nno wAmerika, omusoma wahala aya, ni yaathukumanaka muxikola. Ikereja saya nno khasaawaakhela. Nto vookiserya awo khuphiya nipuro Eroho Yowarya yaamorel'aya, vano yaanimorelasa vathi, ni yaaniheliwa maasi, waavekhulela ni nivekhulelo, yooniwaka wira yaarohileya. Ni kinnikhalaka mmithukumanoni mwaya yoomi, mwa iyaakha saka miloko mithanu. Ni kinniwoonaka omora mwaha w'owerya wa Eroho Yowarya siiso, ni wiittheliwa maasi wiitho waya, ni itthu sothene, aMetotista ootaphuwa a khalayi, iyaakha sinci-ene sivinre. Iwo waari olupatthiwa.

¹³⁵ Vano, nto, oviraly'aya okathi uwo, okathi wa Wesley, khukela okathi w'aPentekosite ni opatiiso wa Eroho Yowarya. Moone, enoopakeya, okathi wothene. Vano muupuwele, Nluku noomaliherya khinaakhanle vasulu nlelo. [Munna Branham oolepa etthu vakwaaturu khumana ni exiixi vaara vaili—Mol.] Mwaha wa xeeni? Awo yaapaka Ekereja voolikana ene, ahiiso epiraamite mwa mukhalélo wira elikanele Nluku noomaliherya, masi Nluku noomaliherya khinnarweeke. Oh, munnoona vary'aka, khamunoono!

¹³⁶ Vano, muteko okhuma Lutero mpakha emalelo ya Pentekosite, mwa yaala ooyeva osulu nno...Mwaha wa yeeyo Waarya onihalaaya ottipha, okathi ula, vale vakalentaariyuni, vakwaaturu. Owo okathi wa pentekosite, wa pentekosite; kahi—kahi miromolelo s'ePentekosite, 'okhala wira awo yiirale voolikana siiso ntoko Lawotiseya. Awo t'aLawotiseya. Awo yiirale ntoko aNikolawo, ahiitthokiha.

Masi Ekereja y'ekeekhai, mulaponi mothene, ehoorwa epakeyaka mpakha okhumelela muteko eriyari ya Yeeyo, vekeekhai voolikana ni muteko wa Yesu Kristu. Vano awo arina exeeni? Awo arina etthu yoopakeya. Vano etthu xeeni enttharelana? Nluku nla nookhoottiwa,

n'epiraamite, naapharunwe vamwaako (woohikhala exeeni?) woohikhala matata. Muluku t'oveleelihale Nenlo. Munnoona? [Muthukumano oniira, "Amen."—Mol.] Ole ookhoottiwa, Nluku nookhoottiwa, ti muru wa Yeela; ti muru aya, nluku noomaliherya. Nto Nenlo nene awo akhoottaly'aya, moovirani w'okahi w'Amalapo, ti Kristu. Ni Kristu khiikitthiwe khuheliwa va ntoko muranttela, wala mwaana a Muluku, wala mukhulupale mmosa mukereja. Owo ti Eroho Yowarya. Nto omaliheriwa w'epiraamite onrowa okhala Kristu arwaaka. Munnoona? ["Amen."]

¹³⁷ Vano, okhala wira awo anoopakeya, (Munnoona vatthu kiphwanyaly'aka ela va ntoko epiraamite, okuxiwa w'atthu oowaarya?) enniruha weetta mpakha Moovuwani. Munniwa saana vano? [Muthukumano oniira, "Amen."—Mol.] Kristu, Nluku noomaliherya, Nluku nookhoottiwa, Niitho ninoona sothene, arwaaka siiso ntoko Bibilia sihimaly'awe. Ni Daniyeli ohimye wira aahiweha okathi ula w'Amalapo mpakha Nluku okhuma vamwaako, nahaapharuliwe ni matata. Awo khanahaleke nluku noomaliherya vasulu v'epiraamite ele. [Munna Branham ommana vapulpitu vaara vaili.] Khanaapharuliwe ni matata. Ti ntata na Muluku naapharunle Nluku nene. Munnoona yeeyo? ["Amen."] Nto Nlo niirale exeeni? Naahiphita elatarato olukama wene munawoni, khupwexakasa kapatti-kapatti, khunyaanyasa khukhala ntthupi. Aleluya! Exeeni yiiraneieye okathi uwo, orwa wa Nluku nlo? [Munna Branham ommana vapulpitu vaara vaxexe.] Ekereja yaawenle Movuwani, wOkuxiwani, 'okhala wira eyo yaamalihale okathi w'Amalapo. Muluku aahimaliha; orwa wa Nluku nenlo.

¹³⁸ Yaanikhalaka atthu kamosa-kamosa jaarwaaka okereja va, mwaamulopwana mmosa n'amwaar'awe. Awo yaamukuxa Bibilia khumpweha nipuro nlo; n'upacerya, wiipa:

Oh, kimpavela Nluku nenle naaphirikeya
oPapilooniya,
Naaphirikeya oPapilooniya . . . (Yaaneettasa,
yaavyaka nenlo, moone.)
Kimpavela Nluku nenle naaruule
niphirikeyaka mpakha oPapilooniya.

¹³⁹ Owo ori vo! Kristu ti Nluku nenlo. Owo khaayariwe ni mutthu. Owo aayariwe ni Muluku. Owo onrweela Ekereja eyariwe-tho vasya, ni Eroho ya Muluku, 'okhala wira ikuru sa Nluku nlo noomaliherya sinkhwalala Mukereja mothene, ntoko makineeti.

¹⁴⁰ Miyo kinnuupuwela wira kaari vaava, kiwehaka ekaafirika ele okathi uwo, weiwo awo yaapakas'aya itthu iye sothene. Ni itathela iye simorelaka vale, nto awo khuvela. Nluku nle

nuulupale khuvira khukuxa, nluku nle nuulupale na makineeti, khukuxa sothene okhala wira saahikhalana makineeti.

Nihaana okhalana makineeti wa Nluku nlo noomaliherya. Nluku nlo noomaliherya ti Eroho Yowarya, Kristu. Ni khula mmosa a hiyo ohaana makineeti awo a Eroho Yowarya. Okathi Nluku nlo ninrowaaya onyaanya elatarato, Ekereja enootheryawela Nenlo, etthikelaka Movuwani. Eyo enrowa oroihiwa osulu, Okuxiwa w'atthu oowaarya, okathi Eyo enrowaaya nihiku nlo.

¹⁴¹ Vano, nkawehani va. Ninnoona wira, aYuta anoothhika vano, mwa iyaakha soophiyaka miloko mixexe, okathi woophiyaka ntoko yoole waatthuneieye wira epwetexiwe empa y'olompa. Saakuxale iyaakha soophiyaka miloko mixexe wira etthike, mpakha oteka-tho empa y'olompa ekina. Moone, hiyo niri wookiseryani w'ephiro. Ahe, vakhala wira Amalapo. . .

¹⁴² Vano nrowe nikuxe. . .Hiyo ninnoona Ekereja, orwa wa Nluku. Nrowe nikuxe okathi wookiserya. Hiyo noosoma. Hiyo ninnoona vano. Kookupali wira kihaana soolepa kamosa-kamosa va sa yeeyo. Nrowe noone, minuutu mmosa paahi. "Nto mukhulupale ori wira arwe, yoowo okhanle nwanani a Kristu, onrowa opaka waataana n'aYuta." Ni Daniyeli 7. . . kiireke—kiireke 9:27. "Nto eriyari y'esumana, iyaakha tthaaru ni nuusu, nxeni ninrowa opaka waataana. . ." Miyo—miyo kintthuna kiphiverye yeeyo, okathi vakhani ohoolo, mwaataano yoowo. Nintthuna nikhume. . . Kintthuna kipacerye va vano.

¹⁴³ Khula mmosa w'okathi ule w'Amalapo ti wowooniheriwa voohivonya namitthaka aya, mutthaka, ni ele yaarowa okhumelela.

Okathi ula *va* waari okathi woovuwa.

Okathi wootharelana, ehimye wira waamukhala mwixuttiho oniihaniwa, wala etthu yaarowa okela, eniihaniwa, "mo—moolumo a aNikolawo."

Vano yaahirwa, etthu yootharelana, mwa mwixuttiho mmosa.

Vano waahirwa, othela wa. . .ekereja ya Nikolawo, ni olupatthiwa w'atthu oowaarya. Sothene siiraneieye siiso.

Nimphiyerya ele enttharelana, epacenrye ni Waarya vakhani paahi. "Mookhalana ikuru vakhani, ni mookhalana nsina wira mwa mukumi, masi muhookhwa. Mulipihe seiyo sirinaanyu nlelo, vaahikhale siiso kinimoorwa, kikumihe muthuko."

¹⁴⁴ Vale khurwa Wesley, nuuvira yeeyo, n'ukathi awe. Nihoona oratteene ele. . .Okathi wa Wesley, wiihaniwa exeenii? Filatelfia. Okathi mu—muulupalexa wa mphento otonko ahu okhalana, okathi wa Filatelfia, waari okathi ene yoowo wa Wesley.

Varonwaawe, khukela Pentekosite, nto owo waari wookuttihiwa.

Vano ninoothika ni woona enamuna xeeni ya Mutthaka waarowa waarweela aPentekosite, wookiseryani.

Muupuwele, khula mmosa aarwiye wookiseryani w'okathi. Paulo Oowaarya aarwiye wookiseryani. Othene aya akina jaarwiye wookiseryani, Irinewu Oowaarya ni othene aya akina. Okathi wa mmosa waalapuwela wa mukina, waamureherya, nto owo aamukuxa n'ukelela ohoolo arowaka okathi woottharelana ni yoowo. Munnona?

¹⁴⁵ Vano, ninniphwanya wira, m'okathi ula, yookhala ettheneeri, ntoko sirin'ahu vale. Nookhalana ettheneeri, namitthaka. Nookhalana mutthu, mu—Mutthaka onkhuma w'okathi yoowo; atthu wira ekhoote Yoowo; atthu wira yaakhele Yoowo. Nto namitthaka a okathi ula aahaana orwa n'uwerya w'Elia. Ti yeeyo. Ni owo aari wira “Ahokoloxerye Waamini w'ana otthikela w'axitiithi, waaruaha apentekosite ale yaahanle, ahanle, waahokoloxerya Waamini w'ekeekhai w'arummwa.”

¹⁴⁶ Vano, Waamini w'ekeekhai w'arummwa, mwasomaru Yeeyo muLiivuruni mwa Miteko, munoophwanya wira khonakhaleke okathi mmosa mutthu mmosa otonko awe opatisiwa, “nsina na ‘Tithi, Mwaana, Eroho Yowarya.’” Khonakhaleke mmosa otonko omiseriwa. Khenakhaleke hata emosa wa ithu iya sirin'ahu olole, sinihaniwa Pentekosite, sitonko okhumelela wu. Awo jaarina ithoonyeryo s'ekeekhai, ni Eroho ya Muluku eriyari aya, yeeyo aari voohivonyeya Mwaana a Muluku avaraka muteko ni yaawo.

Mutthu ula aarina orwa, Mutthak'ola, kiireke, waari wira orwe, waahaana okhala ntoko Eliya. Eliya aahaana orwa vaara vararu.

Vano nyuwo muniira, owo, “Mutth'uwo aari Yohani Mpatisa.” Mwaweha vale, Yesu ohimye wira aari Yohani Mpatisa aari namitthaka a Malakhiya 3, kahi Malakhiya 4. “Moone, Miyo kinoomuruma namitthak'Aka ohoolo Waka.” Kinoona wira ti Matewu 11:6, munoophwanya vaavo, Matewu kapiitulu 11.

¹⁴⁷ Vano, masi mahiku ala ookiserya, ehaana orwa Eroho y'Elia eriyari y'atthu, nto owo ohaana wira etthu emosaru awo yiiraly'aya ottuli wu. Mukhalelo awe waarowa okhala etthu emosaru, mukhalelo wa Ekereja. Mukhalelo wa mu—mutthu waarowa okhala voolikana-ene etthu emosaru. Nto Mutthak'owo okhumaka, ophavelaka...Owo aarowa onyokhiwa, n'atthu. Owo aarowa waanyakha athiyana, ale oohittittimiha, khula enamuna, ale ootakhala. Aarowa ophentaka mothakoni; ooximwa, mutthu ohoova okathi wothene, ntoko Eliya saary'awe, ni ntoko Yohani saary'awe.

Ni hiyo ninnoona sothene iya wiiraneya. Vakhala wira ninnikhalanaka Mutthaka, ninnimoona Kristu okhoottiwa. Muhaana wira mpantta wa mitthenkeso iya ahiiso khamunrowa okela-mo. Tivo, Owo, Owo ooriheliliwa ota. Munnona? Kristu khokhanle ovara muteko eriyari aya.

“Nyuwo mwa xeeni?”

“muKristu.”

“Muromolelo xeeni muniir’anyu mpantta?”

“Miyo nkiniira mpantta wa hata mmosa.”

“Khanikhanle woorumeelakani.”

¹⁴⁸ Moone, Owo ookhoottiwa. Khweeli! Moone, okhoottiwa! Eliya nave aahikhoottiwa, ni Yohani aahikhoottiwa siiso. Masi, exeeni, eyo yaahaakattamiha? Eyo yaahikattamiha mutthak’aya? Awo yiirale, “Oh, athu oolipa murima.” Awo yaaroohelela mwa yaawo. Awo khayaahalanne hata esikulelo. Awo yaarookelela ohoolo. Nto Mutthaka wa Muluku onookelela ohoolo, vohicala etthu mutthu enihimy’awe, moone, mpakha woomalelani, nto okathi. . . . ele elamuleliwe enoomwaraxiwa. Ni hiyo niri wookiseryani.

¹⁴⁹ Vano, nimphwanyaneya vano, iyaakha miloko mixexe w’ohokolowa, okhuma Ekhotto Yoopacerya ya Mulaponi mothene, ni aYuta aatthikela elapo aya. Muluku khonavareke muteko n’Isarayeli mpakha owo okhala elapo awe.

¹⁵⁰ Vano, muupuwele okathi aYuta yaatthik’aya, aYuta ale ekhumaka ilapo sikina, vano erevista *Look* khumukumiherya artiiku a yeeyo. Vano koosoma ekapatti y’exornaale emosa, erevista emosa y’etiini, wira okathi awo. . . . Matteeke ale yaaronwe iwe waakuxa aYuta ala wIrani. Ni nkisuwente nipuro ale othene yaaris’aya-vo, yaroomwaramwareya paahi.

Vano, awo t’aYuta ale eekeekhai, ale ahinatoko okhalana okathi. Vano, munna, vo t’ari ale ikonto miloko muloko ni miloko mixexe n’athu ikonto xexe. Naphiyaru mwa Wiisuupulula 11, nyuwo munoowoona. Owo iirale, “Aakhala mahimo muloko ni maili (a Kati), mahimo muloko ni maili (a Aseri), mahimo muloko ni maili (a Rupeni), mahimo muloko ni maili. . . .” Nto othene awo yaaphwanyaneya vayi? oMwaako Sinai. aYuta, etthikelaka elapo aya, awo yaari weiwo. Awo yaari ale yahaakhanle nikhuru nla n’anawiye a epasari Wall Street. Nnari, mulopwana. Awo yaari aYuta eekeekhai.

¹⁵¹ Nto okathi rabbi ula mutokweene eemenly’awe vale khoona ntteeke nla nikhuruwaka, aYuta ale. Nyuwo moosoma eyo murevistani. Awo nlelo yaamulima ni ixaruwa sa mwiri. Nto okathi yoonans’aya etthu ile okhuruwela vathi vale, awo khayaarowa orukurerya. Rabbi mutokweene ole eemenle vale khwira, “Muupuwele, profet’ahu ohimnye wira, ‘Naatthikeleka elapo ahu, ninrowa ohokoloxiwa vamapuphani a xawawe.’”

Maloko anoophweeyasa, Isarayeli onooventya,
Ithoonyeryo maprofeta yaahimaly'aya khalayi
ene.

Nihanle okela esumana ele yaneethanu na piili w'awo.

¹⁵² Kinnuupuwela, mmansaka, keemenleene iwe, okathi Munna Pethrus aaveleelihaly'awe aWaataana ale akhaani, vano awo khwaasoma. Awo yiirale, "Ahe, ola akhala Mesiya, nimoone—nimoone Owo apakaka ethoonyeryo ya Profeta; vakhala wira Owo khakhwiye, Owo mukumii." Awo khwira, "Owo oohihimuwa; Owo mukumi Mukereja mw'Awe; nimoone Owo apakaka ethoonyeryo ya Profeta, nto hiyo ninoomwaamini Yoowo." aYuta kweekwe anaamini...Awo annisuwela wira Mesiya aahaana okhala Profeta.

¹⁵³ Nto okathi waary'aka weiwe ni Munna Arganbright nihiku nenlo, nipuro nenlo, vano aYuta ale yeemelanse-ene vale, khwira, "Murwe owannyihu paahi, w'atthu ahu."

¹⁵⁴ Miyo khwira, "Vekeekhai, kinootthapela orwa." Miyo khutthuna, naanaanoru.

¹⁵⁵ Miyo khuphiya oCairo, wEjitu. Ohiyu uwo, woonaly'aka ntteeke nle nirwaaka oCairo iwe, khukuupuxerya. Vano vaphiyaly'ahu iwe, nto kaahikhalana ettikitti aka wira kirowe wIsarayeli, awo yaarowa okiphwanya weiwo. Miyo khwira, "Murowe, mwaathukumanye akhulupale ikonto kamosa-kamosa. Mwaaruhe nipuro noowaataleleya, ninoosuwela sinto Owo nlelo Profetaa wala nnari. Amen. Ahe, nrowe noone etthu Owo onrowaawe wira." Oh, yaari mmatatani mwaya tu. Ti yeeyo awo yaatthunas'aya. Yaawenrye-ru wona yeeyo, awo yaamwaamini.

¹⁵⁶ Vano miyo kiirale exeeni? Miyo khurwa iwe oCairo, khupacerya orwa weiwo. Kaahikhalana ettikitti aka; sihalaka minuutu miloko miili wira ophiye okathi wo wihaniwa. Etthu emosa khwira, "Kahi naanaano. Muhasa wa sootakhala, s'Amalapo, khunatthi osareya nlelo. s'Atthu a Amori khasinatthi omalela. Muhirowe-wo!" Kona wira khino kaarimuupuwelela yeeyo, vano khurwa ottuli w'epwano khuvekela. Khwira, "Muhirowe-wo naanaano." Vano kikuxa ettikitti aka kirowa nipuro nikina. Nkaaronwe, okhala wira okathi khunaphiye.

¹⁵⁷ Vano, okathi zeeni Muluku onrowaawe waatthuniherya aYuta ale, opacerya ovara muteko n'awo, nkinwerya woolelani. Miyo nksuwenle. Khaavo onsuwela eyo. Masi, nwiriyane, vakhala wira Isarayeli oomala okhala elapo awe, sothene soolikana. Maluku othene aattotteliwa, ni okhuwari, maasi, n'itthu sothene Muluku aalaihenny'awe. Awo aaphwanyasa ihmeye ni itthu iwe, ni miro suulupale, nlo ti nipuro nooreerexa nitonko wooniwa. Awo aakhhalana muttetteh otekiwe iwe. Awo aakhhalana ekhuwarelo. Awo arina ethaya yoolokaxa ekhanle mulaponi, iwe. Nto hiyo ninnoona wira, Ephareya

Yookhwa, sookhala ikiimiku soowaatta, soophiyerya, wira sithume olumwenku. Munnona?

¹⁵⁸ Sothene soomorela mmatatani mw'aya. Awo yiirale sayi? Okhala wira murima wa Hitler waahilipihiwa, murima wa Mussolini waahilipihiwa, siiso ntoko murima wa Farawo waalipihiwaaya, yaakhanyereryaka awo otthikela elapo aya. Ni mwa iyaakha miloko mixexe awo aniira etthikelaka elapo ele. Vano awo amphwanyaneya weiwe, elipelelaka.

¹⁵⁹ Ekereja y'Amalapo eri muLawotiseya, emalelo y'Okathi wa Lawotiseya. Vakhala...aYuta ari elapo aya, arisa weiwo. Ni okhottiwa waamini w'Amalapo ohiiraneya. Ni nookhalana Mukhulupale ntoko orinaahu. Nookhalana elapo ekawanyeyiye ntoko sirinaahu. Nookhalana misika s'atomu sithomeiwe mpwano. Nookhalana ekereja ekhanle yookuttihiwa. Nookhalana Ekereja, atthu, yiitakanxale vamosa. Nookhalana muteko w'olaleerya onlikana ni muteko w'olaleerya wa Yesu Kristu, wira waakhele Nluku Nlo narwa vale. Exeeni enihala wira yiiraneya? Pooti okhala okathi p'ukathi. Khiivo-tho etthu ekina ehanle. Hiyo niri okathi wookiserya. Oh, ovuwa! Miyo nkisuwente sinto kinoorowa owerya okela moohakalalani mmo, wala nnari, masi kintthuna paahi—kintthuna kooruuheleni mpantte wa yeeyo, khula enamuna.

¹⁶⁰ Nwiriyaneyane. Mu...Akavi anwerya woona vano? Munnoona nipuro Soolempwa sinoonihery'aya wira isumana miloko mithanu na miili saari iyaakha miloko mixexe ni thanu na xexe? [Muthukumano oniira, "Amen."—Mol.] Munnoona nipuro isumana miloko mithanu na mosa ni piili saary'aya iyaakha imiya xexe ni miloko miraru ni xexe? ["Amen."] Munnoona nipuro isu—isumana miloko mithanu na mosa ni thanu na xexe nto saary'aya—saary'aya—saary'aya...Yaari exeeni iyo? Imiya thanu na tthaaru ni...Iyaakha imiya xexe ni—ni miloko mithanu na miraru ni tthaaru. Iyaakha imiya xexe ni miloko mithanu na miraru ni tthaaru mpakha okathi ula. Munnoona nipuro iiviwaawe Mukhulupale? Moone, vookiserya saari iyaakha miloko mixexe wira aYuta ale akele nipuro naya, vaavo Muluku aahimaly'awe.

¹⁶¹ Nkawehani va nipuro okathi w'Amalapo ovinry'aya mwa sothene sihimmy'ahu wira waamwiira; vaavo, kahi *hiyo* nihimaly'ahu wira waamwiira; Bibilia ohimmy'awe wira waamwiira. Ele Bibilia ohimmy'awe wira waamwiira, eruule volukama mpakha okathi ula wookiserya; ni mwa iyaakha miloko mixexe aYuta ale anikhala etthikelaka va, yiithokihaka wira Muluku iire volikana ele Owo iiraly'awe va. Awo yaakhumme siiso, ni ankela siiso. Nto Isarayeli ootthikela elapo awe.

¹⁶² Vano, Muluku onrowa opacerya liini esuman'aya yookiserya? Liini? Siiso ory'ene olelo. Siiso ory'ene nsuwa nihinatthi

otupweela ohiy'ula. Muluku onoohimya. Onrowa okhala liini, miyo nkisuwenle. Miyo kinniikoha. Masi kinrowa oruuha etthu emosa va, vano, muhina mwa minuutu vakhani, nto nkisuwenle sinto munoorowa waamini wala nnari. Masi ki—ki—kihaana ohimya, khula enamuna, kookupali.

¹⁶³ Hiyo niri elapo ahu. aYuta ari elapo aya. Hiyo niri woomalelani w'okathi, oowitthokiherya Okuxiwa. Okuxiwa onimoorwa, Ekereja enoowela, hiyo ninookuxiwa wira nakumane ni Yoowo osulu. Hiyo othene noosuwela eyo. Nluku naapharunwe vamwaako, noolikana wira nirwe okathi p'ukathi. Nto Nlo naarwaaka, ninrowa wira exeeni? Nlo ninoomaliha okathi w'Amalapo. Sothene sinoomala, nto Muluku onoohiya ovara muteko n'awo voomalela. "Ole ootakhala eetteleke otakhala wawe murima nlelo; ole ooreera murima eetteleke oreera wawe murima nlelo." Munnona? Exeeni Owo onir'awe nto? Owo onkuxa Ekereja Awe, yoosareya Eroho Yowarya.

¹⁶⁴ T'ani ale "ootakhala murima"? Owo ti mwali harusi orumpe n'ale anihihimuwa wira elamuliwe, vaava va. Ninoophiyerya yeeyo vamaaphani makina, nakelela—ru ohoolo ela, vaavo owo onoorwaawe Woolamuliwani w'Ehicensi Yootteela ni ohaana olamuliwa n'ale oovuluxiwa. Paulo oonihimeerya nihiroiheke hata mwaha omilattuni, okhala wira athu oowaarya t'anrowa lamula elapo. Ti yeeyo. Hiyo niri okathi wookiserya, va, vano. [Munna Branham onihimya elatarato awe vakwaaturu—Mol.] Vaareera.

¹⁶⁵ Nto eriyari y'esumana yeela... Vano, va ti vari miloko mithanu na miili. Vano, vakhala wira vekeekhai iya saari iyaakha thanu na piili, khula emosa wa isumana, ni noomala okhalana isumana miloko mithanu na mosa ni thanu na xexe; vano nookhalana okathi w'Amalapo, ni noosuwela wira niri woomalelani w'okathi w'Amalapo; vano yookhala—tho esumana emosa ehanle ya muYuta. Ti yeeyo? [Muthukumano oniira, "Amen."—Mol.] Nto vekeekhai ti isumana thanu na piili. Vakhala wi *ela* saari iyaakha thanu na piili, *ele* iyaakha thanu na piili, 'okhala wira Owo ohimmye wira, "Siri isumana miloko mithanu na miili sikumiheriwe w'athu anyu." Tivo hiyo noosuwela wira nirina iyaakha thanu na piili s'aYuta. Eyo ekeekhai? ["Amen."] Vano nkawehani yeeyo. Yaakhanle-ene yookoha, kintthuna kisuwele. Munnona?

¹⁶⁶ Vano, nto eriyari y'esumana, eriyari y'esumana ela y'aYuta; moone, iyo iyaakha ttharu ni nuusu—iyaakha; nwanani a Kristu, mukhulupale, mukhulupale onrowa orwa. Nto muupuwele, owo onikhuma oRooma, mukhulupale onrowa orwa. Exeeni uwo? Paapa. Mukhulupale eriyari y'athu, onrowa orwa, onookhumelela Farawo ohimmusuwela Yosefe.

¹⁶⁷ Vano, nyuwo maPrustante muniira, "Ahe, vano, ti yeeyo." Masi nwehererye vakhani. Ninniphwanya wira maPrustante

aakhalana mutthenkeso, aapaka mwaataano wa ikereja, elatarato ya nxeni, ni ankela ni yaawo.

¹⁶⁸ Ni ninnoona va wira aYuta aniihaneliwa okela mmwaataanoni muumu, (ayo, mulopwana), n'awo annikupali. Ni Bibilia ohimnye wira awo yaahikupali. Vano owo ompaka waataana n'awo.

Eriyari y'esumana yanamiloko mithanu na miili, owo onooonona, nwanani a Kristu onooonona waataana wawe n'aYuta, "atthu anyu." Mwaha wa xeeni?

Ni noosoma Wiisuupulula 11, wira, "Miyu kinoomuruma. . ." Eyo 11. Ninoorwa niphiyaka 19 vano. Wira Owo onimwaaruma maprofeta Awe maili, nto awo anrowa olaleerya okathi ene yoowo, vano nto awo anoonanariwa mwaha wa maprofeta yaala ni vekeekhai anoowiiwasa. Eyo ekeekhai? [Muthukumano oniira, "Amen."—Mol.] Nto irutthu saya sookhwa-ene sinrowa okhala mphironi mw'erooho eniihaniwa Sotoma ni Komora, weiwo Pwiy'ahu aakhomeliw'awe, Yerusalemu. Eyo ekeekhai? ["Amen."] Nto iyo sinkhala vaavo mahiku mararu othana n'uhiyu. Nto nuuvira mahiku mararu othana n'uhiyu, erooho y'ekumi enookela mwa yaawo, nto anoohihimuxiwa erowe Movuwani. Mpantte wa namuloko wa muttethe woomora okathi ene yoowo. Eyo ekeekhai? ["Amen."] Munnona? Exeeni iyo? Eriyari ya iyaakha iya miloko mithanu na miili sookiserya.

¹⁶⁹ Okathi Ekereja enwel'aya; vano mwaataano, mwali harusi oorupa, aMetotista aPatista, maPrespiteriyaano, ni aPentekosite ookuttihiwa, othene aya vamosa ni mwaataano. Yeeyo, awo arin'aya mweettiheryo aya muulupale vano. Nto yaira vale, anrowa opaka waataana. Nto, ahe, vano, paapa ola a naanaano nirin'ahu vano onthhuna aakelihe othene aya. Khamunwerya wookhweyexa, yookhweyexa hata mwanamwane vaakhanly'awe woonaka. Mwaataano wo owaatakanxa aYuta, maPrustante, n'aKatolika, vamosa.

Nto, muupuwele, maprofeta ala maili anrowa wira exeeni yarwa vale?

¹⁷⁰ Nxeni nla, mukhulupale ola onrowa omwarya owerya w'atthu oowaarya, onrowa wira exeeni? Owo onrowa ohonona waataana n'awo. Nuumala iyaakha ttharu ni nuusu, onrowa owoomola. Vano, atthu anuupuwela wira owo ti komunismu. Eyo

'okhala wira paahi nyuwo . . . Eroho ya Muluku khenatthi weetta ni nyuwo nlelo. Kahiyo komunismu; eyo etiinii. Biblia ohimnye wira, “Yaarowa okhala yoolattana mpakha yaarowaaya owoototha ale Oothanliwa vaakhanle wira vaaniweryaneya.” Yesu ohimnye siiso. Moone, hiyo niri wookiseryani.

¹⁷¹ Vano, maprofeta ala maili, anrowa wira exeeni? Ti Moise n'Elia anrowa okhumelelase vanlakani. Awo anoorowa waaleela aYuta ale evonyeryo aya. Nto mwa nikhuru nenlo n'aYuta niri iwe vano, anrowa okhala ikonto miloko muloko ni miloko mixexe n'atthu ikonto xexe, Muluku onrowa owiihana ni maprofeta yaala. Exeeni iyo? Eroho y'Elia, y'Ekerej'ela y'Amalapo, enrowa okelela ohoolo paahi erowaka mukereja yeeyo y'aYuta, onrowa okela awiihane; Moise ni yoowo. Aleluya! Munnoona? [Muthukumano oniira, “Amen.”—Mol.] Nto owo onrowa waalaleerya mutthaka ene yoowo wa pentekosite, aYuta ale, wira awo yaahimukhootta Mesiya. [Munna Branham ommana vapulpitu vaara vathanu na mosa.] Amen! Munnoona? [“Amen.”] Onrowa okhala mutthaka ene yoowo wa pentekosite, aYuta ala anrowaaya waalaleerya. Nto awo anrowa waanyokha aYuta ale vanci-enexa mpakha owiiva. Ni awo yaahinyokhiwa n'atthu a ilapo sothene. Vano eriyari y'esumana, okhala wira awo yaahaavenxa awo aalupale, oowerya ikonto miloko muloko ni miloko mixexe n'atthu ikonto xexe. Awo yaahikhalanasa Eroho Yowarya. Ni, munna, ohimya opaka miiriirya, awo yaahipakasa. “Awo yaahitthuka erimu, khuhirupa epula mahiku a oprofeta aya; yaahihonona elapo n'ihasara, okathi wothene yaatthun'aya.” Awo yaahivaha ihasara ni itthu sothene sikina. Awo animwaaruuhele ephiro yoorika aRooma ale. Masi, vookiserya, awo animwiiyasiwa. Muluku ahu Muluku oowooopiha Owo ananarihiwa vale. Masi muupuwele, eyo ti wu esumana yanamiloko mithanu na miili, vano Ekereja eri Moovuwani, (amen), Niira n'Othela ninimwiiraneya. Ayo!

¹⁷² Vano nwehe. Ti vaavo ninimoon'ahu Owo atthikelaka Empa y'olompa y'oMileeniyu va woomalelani w'okathi w'aYuta, “ale oottikittheliwa.” Owo onoorwa va, eettihaka ekhavaloo yootteela; awo yaamutthara Yoowo, vakhavaloni sootteela. *Ekhavaloo*, “owerya.” Owanreene ikuwo sootteela; ephome . . . ahiiso ikuwo sinaanihiwe n'iphome; olempe-ene mwa Yoowo, “Masu a Muluku.” Owo onoorwa ntoko Muxintta oowerya, (ayo, mulopwana) wira akhalihe eMileeniyu, akelaka Mpaani m'olompa. Ovuwa! Vo Owo onkumana n'ale ikonto miloko muloko ni miloko mixexe n'atthu ikonto xexe, vano, nuumala esumana yanamiloko mithanu na miili va.

¹⁷³ Esumana yanamiloko mithanu na miili, ela eniiraneya esumana yanamiloko mithanu na miili. Mwa tthaaaru, eriyari ya yeeyo, owo onoonona, okhala wira owo oniwiiva maprofeta ale maili apentekosite (. . . mulopwana) anhonona elapo.

Nto, moone, Owo onootakhaliha ekerej'eyo, ni Owo onoopaha ni mooro. Nto, vano, eyo. . .Hiyo nimphwanya vale, hata anakalawa yaaheemela ottaiwene, khwira, "Wootakhaliwa, wootakhaliwa muttethe muulupale woohikhwa w'oRooma, woophiya woomalelani waya muhina mw'ewoora emosa." Owo waahipwetexiwa kapatti-kapatti. Muluku onnisuwela moota wo wira itthu. Vano Nlaikha nimosa naahiweha, khwira, "Vano, ephome ya khula mutthu iiviwe a Kristu yaaphwanyawe mwa yoowo," mwaha w'owoka wawe, okhumelaka nno otthokihaka, n'ukhaliha itthu iya sothene sa inamuna sikina, ni ohononaka ekereja, n'ukeliha itthu iyo memme, ni owiiva ale yaaphavela okhuma Mmo ni okumiha-mo.

¹⁷⁴ Ovuwa! Oh, miyo—miyo nkisuwene. Miyo—miyo—miyo kinkhala ntoko kinimweetta kirowaka. Munnona? Khamutteelewe murima mwaha wo Waarya wa Mwaana, weetta muhina mo Waarya wa Mwaana! Niri yayi hiyo, munna? Okathi wookiserya! Pooti wiiraneya, okathi p'ukathi. Hiyo niri va!

¹⁷⁵ Mu—Mutthaka wookhuma orowaka ekereja yookiserya, ekereja emukhoottale Kristu aya. aYuta ari elapo aya m'okathi mmosa, iyaakha miloko mixexe. Muttethe musya wootekiwa. Awo anwehawehani? Mesiya onrowa orwa. Enrowa okhala liini? Nkisuwene. Okathi Nluku nle nimphit'aya elatarato *va*, Eyo enoolakaseya; sothene sinoomala nto.

¹⁷⁶ Vano nwehe *va*. Eriyari y'esumana, mahiku mararu ni nuusu. . .iyaakha tthaaru ni nuusu, kiireke, owo onoononona waataana ni wiiriha mukuttho ni soovaha. . .seiyo awo anrowaaya wira ekhalihale-ene.

Okhala wira, awo anootthika yiire, "Vano, nkawehani, nyuwo othene mwa ikereja. Munooverya waakheliwa mw'elatarato ela ya nxeni. Ninookhalana epatthanelo. Hiyo ninoomuhiya komunismu. Ninommalamaliha komunismu voomalela." Munnona? Nto awo anoowerya wira. Munnona? Ni awo animwiira.

¹⁷⁷ Masi vano nwehe. Nto anookhaliha, ni anookhaliha mwaha wa yeela, okokhorela wa khula nihiku ni mukuttho onootthikela mmuttettheni empa y'olompa yatekiwaru-tho. Nto mukhulupale ola onrowa orwa eriyari y'esumana ela, onrowa ohonona waataana wawe ni omalamaliha mukuttho. Ohimnye wira, "Owo onrowa omwarya, omwarya." Ni etthu enrowaawe wira enrowa okhala mpakha woomalelani.

¹⁷⁸ Nto nwehe:

. . .*omwareya wa etthu yootakhala okhaliha wiiniha murima. . .*

"Omwareya wa etthu yootakhala yoowuuliha muru." Etthu *yoowuuliha muru* exeeni? "Otakhala murima." Munnona? "Okhaliha opweteya," exeeni iyo? "Omalamaliha." Omwaramwareya wa *yeela*, omalamaliha *yeeyo*. Munnoonna?

Omwarewareya w'owerya iwe w'oRooma, wira aaxintte aximwali aharusi othene oorupa, aYuta ni othene. "Othene ninrowa okhala aRooma ahiiso khaninrowa okhala etthu." Owo onrowa ohonona waataana wawe eriyari y'esumana.

179 "Omwarewareya wa etthu yoowuuliha muru." Vakhala wira etthu yoowuuliha muru okathi wa Yesu, okathi Rooma aakhumelenly'awe vale ni elaleeryo aya; onrowa-tho okhala Rooma, onrowa okhala yoowuuliha-tho muru mukereja.

...wira eruuhe *opwetexa*, ni enrowa otthikela mpakha *woomalelani*...

Owo onrowa wira exeeni? Owo onrowa okelela ohoolo mpakha woomalelani, okhanle, wookiseryani.

180 Vano, aYuta, ni Romanismu, oPrustante (eyo ti wii, mwali harusi oorupa), anoorowa olipiheryana vamosa mwa enamuna ya mwaataano wa ikereja. Nto enrowa okhala ntoko Yesu sihimaly'awe mwa Matewu 24, ni okhuma Wiisuupulula 13:14.

Nrowe nikuxe Wiisuupulula 13:14, noone yeeyo. Kaahilepa va, wira noone yeeyo, 13:14. Vaareera, mulopwana.

Nto naahiwototha ale ankhala elapo ya vathi mwaha wa miiriirya iye naarin'aya owerya w'opaka (nilipiheryaka ikereja iya) vamaithoni...niiraka... vamaithoni va nxeni; niwiirelaka ale ankhala elapo ya vathi, wira epake elatarato ya nxeni, nle nivulalihive w'okhwa-vo ni xoowa, khukhala.

181 Vano, noosuwela, voohihoverya hata vakhani, t'ani naari nxeni nla, owerya iwe waarina nikhwatta w'okhwa-vo khukhala. Aari Rooma eepakawu iiviwe, nto Rooma a opaapa khukhala nipuro nawe; okathi owerya w'opakawu wiiviwaaya, nto owerya w'opaapa khukhala nipuro naya.

182 Vano, vano, Wiisuupulula 13:14. Yesu, mwa Matewu 24, aahaalopola mwaha wa yeeyo. "Elatarato ya nxeni."

183 Paulo, mwa aTesalonika Aneili kapiitulu 2, versiikulu 3 ni 4. Nrowe vaavo, nimoone Paulo, etthu enihim'y'awe va ya yeeyo. Eroho Yowarya yuulupale mwa profet'ola muulupale a Apwiya, noone etthu ehimaly'awe mwaha wa yeeyo nihiku nookiserya. Mwa aTesalonika Aneili, kapiitul 2 ti yeeyo. Vaareera, mulopwana. Opacerya versiikulu 3, kookupali wira ti yeeyo. Vaareera, nrowe nisome vano. Nwiriyanne saana, athu othene. Akavi anaamini wira Paulo aahisarihiwa Eroho Yowarya? [Muthukumano oniira, "Amen."—Mol.] Amen. Nweha va.

Ahikhale mutthu oniwootothani: okhala wira nihiku nlo khanimphiya, ohipacenrye toko okhumelela okhoottiwa waamini,...

Owo omphavela okumiha mmuruni mwaya wira Owo aamoorwa okathi yoole. Khwira, “Ohaana orwa omora w’Ekereja, toko,” moone, ophiya Okathi ula wa Lawotiseya.

. . . *ni mutth’ule a etampi wi-. . . wiisooniherya, . . .*

“Mutthu a etampi,” ohaamini Eroho Yowarya. Wooniheriwa ohaamini.

. . . *mwaana a orimeela;*

Ntoko Yuta saary’awe; namasuka musurukhu a mukereja.

Yoowo onikhootta ni onivirikanya itthu sothene siniihaniwa sa Muluku, wala sinikokhoreliwa; mpakha orowa okilaathi ntoko Muluku mpaani mwa Muluku, . . .

Munna, ookhala mutthu elapo ya vathi, woohikhala Vatikanano, oniira yeeyo? Ori vayi?

¹⁸⁴ Vano, murewe na mwa Wiisuupulula 13, kinoowooniheryani wira mulopwan’ola onikilaathi vasulu va muttetthe. . . mmuttettheni, nto muttetthe ene ori vasulu—vasulu va miyaako mithanu na miili. Nto nummaru na nxeni ti miloko miloko mithanu na mosa ni miloko mithanu na mosa ni thanu na mosa, nilempwe mw’e—ni Latin. . . Alufapeetu ooRooma, ti miloko miloko mithanu na mosa ni miloko mithanu na mosa ni thanu na mosa, ekhanle *VICARIVS FILLI DEI*, yeeyo ekhanle “voopuroni va Mwaana a Muluku,” veehicensi va paapa. Nto ekhater’awe, erina ekhara ya ipantte tthaaru. Miyoo kooweha ekhara ene eyo, kootoko waattamela ntoko ntata naka niry’aya wiitho waka, siiso, ni—ni kihoona ekhara yoophwanelihiwa ya paapa oVatikanano weiwe, yoomi, kaaheemela kiweha, wira kikupali wira koosuwela enihimy’aka. “Owo onookhootta, mmansawe sothene siniihaniwa Muluku, ni atthu othene ooreera murima. Owo t’okhanle oomalela waarya wa othene aya; onikilaathi mpaani mwa Muluku, aisooniha wira owo Mulukuu,” onnilevelela itampi mulaponi, ni sikina, moosuwela. Khweeli.

¹⁸⁵ Paulo oohimya, “Omora iwo ohaana orwa toko, wira mwaana a orimeela ooniheriwe.”

Khamunuupuwela, wira, okathi waary’aka. . . ni nyuwo, kaahohimeeryani itthu iya?

¹⁸⁶ Oh, waamukisivela wira kikilanthi-ene vaavale, kimwiiwaka Paulo olaleerya yeeyo. Ankhi nyuwo? [Muthukumano oniira, “Amen.”—Mol.] Hum! Moota kaatthun’aka omwiiwa yoowo. Oh, wulu!

¹⁸⁷ Vano owo onrowa wira exeeni? “Elatarato ya nxeni.” aTesalonika Aneili. Vano nwiriyane. Nwiriyane saana vano, saana ene. Ekereja yaanoona orwa wa paapa. Exeeni iyo? Emalelo y’okathi wa ekereja, Paulo. Awo yaahooni itthu iya s’aNikolawo sikhumelelaka; awo yaarowa omukhaliha

mutthu oowaarya, (a xeeni?) paapa. Itthu sa molumwenkuni ni mittittimiho saahipuruleya v'elavilavi sikelaka mukereja, sivirikanyaka enamuna y'okokhorela. Paulo, ni Eroho Yowarya, aahivara eyo mwa Eroho. Nto ekereja, ni mixovo s'atthu ni oottittimiheya, atthu oottittimihiwa, ni siiso, yaahoono wira yaanirwa etthu. Nto Eroho Yowarya yaamwaalopola mwaha wa mahiku ookiserya. Khamunuupuwela moota Yesu aahimaly'awe yeeyo? Miteko s'aNikolawo, saamalenle sikhhalaka mwiixuttiho, vano nto khukhala mutthenkeso! Axinna, hiyo khanikhanle mw'epiphini vano. Muupuwele, moone. Hiyo nri va.

¹⁸⁸ Miteko s'aNikolawo, mutthenkeso waapacenrye okela, atthu aalupale oottittimihiwa, ekhalaka vasulu va ikereja, ni siiso, vano khupaka ekereja Katolika. Nto Paulo oohimya wira khonikhala okathi wookiserya, khonikhala okathi, mpakha okhoottiwa Waamini, w'ekeekhai wa pentekosite. Waamini wa pentekosite onoomalamala, vano atthu oottittimiheya anookela. Anookhalana mutthu onrowa okhala nipuro na Muluku, akilaathi mpaani mwa Muluku, ni akhooote, onrowa wiihela vasulu v'atthu othene siiso. Nto, moone, exeeni iyo? *Nickao*, "waaxintta ale antthara." Munnona? "Sothene siniihaniwa Muluku; owo onrowa okilaathi mpaani mwa Muluku, ntoko Muluku." Paulo oohimya, "Waamukhala okhoottiwa waamini, toko, mahiku ookiserya." Nto hiyo nri va, vaava wa naanaano, ni ninnoona okhootta iwo, ni ninnoona ekereja etepaka orowa ottaiwenexa wa Yeeyo, emaara ekina ethhikelaka-tho yeeyo. Nto hiyo niri okathi wookiserya. Vaareera.

¹⁸⁹ Vano, vakhala wira isumana miloko mithanu na mosa ni thanu na xexe soolikana oratteene, ni aYuta ari elapo aya vano, ni okathi w'ekereja y'Amalapo yoolikana oratteene ni okathi wookiserya, w'okathi wa aNikolawo... ahiiso okathi wa Lawotiseya; moota xeeni okhuvenly'aya Orwa w'Apwiya, emalelo sa itthu sothene, emalelo y'okathi ula, ni Okuxiwa? Okathi Owo onipacery'awe esumana yanamiloko mithanu na miili, wala iyaakha thanu na piili, Ekereja enira yoorowa.

¹⁹⁰ Munniwerya woona, apatthani? Nvenxe ntata mwaaweryaka woona. Munnona? Vano, nihikhaleke anamwane. Nihikhaleke oothweela-tho. Hiyo niri okathi wookiserya. Yookhala etthu ehanle okhumelela. Niri woomalelani. Hiyo niri va.

¹⁹¹ Isumana iya miloko mithanu na mosa ni thanu na xexe sinoolikana oratteene; orowa w'aYuta onoolikana oratteene; okathi w'ekereja onoolikana oratteene. Niri okathi wookiserya, okathi wookiserya, okathi w'ekereja ya Lawotiseya, emalelo aya. [Munna Branham onthoonya elatarato ya vakwaaturu—Mol.] Anamitthaka ittheneeri othene aalaleerya mutthak'aya. Sothene sihiiriwa. Hiyo nineetta n'ekakhelo. aYuta aniira ehokolowaka mwa iyaakha miloko mixexe. Awo arisa elapo aya.

Exeeni enttharelana? Orwa wa Nluku. Hiyo nri vo. Okathi xeeni onrowaaya wiiraneya? Miyo nkisuwenle. Masi, munna, wa miyo, kintthuna kikhale oolikana. Kintthuna kikhhalane ikuwo saka soolikana.

¹⁹² Vano, sinnihaleela paahi mi—minuutu vakhani paahi, ni kaatthuna wira mwiiwe oratteene vano minuutu mmosa paahi.

Okathi Owo ompacery'awe esumana yanamiloko mithanu na miili, ahiiso iyaakha thanu na piili, Ekereja yoorowa. Vano nwiriyane. Kinootthikela-tho ohimya, otthikela ohimya, wira muhiliyale. Ela t'itthu Eroho Yowarya ehelaly'aya vakametani vaka okathi waalep'aka. Hiyo niri okathi wa Lawotiseya. Kristu ookhoottiwa n'ikereja Awe yoowo. Ettheneeri y'okathi ula, Mutthaka, wookhuma. Ni Isarayeli ori elapo awe. Munnoona vatthu vary'ahu? Niri woomalelani.

Vano, yoohimya emosa wala piili paahi.

¹⁹³ Sothene iya vano sinoon'ahu, sinoonkhaliherya, ni mahala Awe, okathi oniilipih'ahu wira nilavule Ikanyeryo iya Thanu na piili sookiserya. Munnoona vatthu vaakhanly'ahu ohaleelaka? Okhuma Wiisuupulula 6:1 mpakha Wiisuupulula 19:21, naamwiira nihalenle-ene, 'okhala wira, moone, naamwiira niphavenle-ene ohelela ottuli *ive*, okathi ula w'Amalapo; vaavo, munoon'anyu, wira eyo ti okathi *ula* va. [Munna Branham onthoonya elatarato vakwaaturu—Mol.] Munnona?

Vano, nihooniherya ni Masu a Muluku, ni mwa wahala, ni itthu sothene, nave n'ithoonyeryo s'okathi, ni mahiku, wira khiivo etthu ehanle. Hiyo niri woomalelani w'Amalapo. Exeeni e—exeeni onrowaahu wira wa yeeyo? Ti munep'aka ni munep'anyu; t'ikumi aka n'ikumi anyu; t'ikumi y'ale onaaphent'ahu. Ninnikhalaka neepesiwaka okathi munci-ene. Ninnikhalana itthu sinci-ene vookhweya-vo. Vanreerela nipacerye weetta. Vahooxa sihinuupuwelel'anyu, muupuwele paahi.

¹⁹⁴ Vano, yoohimya emosa yootutuxa, mwatthuna vale olepa. Nwiriyanee saana, xontte. Ela ti etaphulelo aka yookiserya, emosa-tho; kookhalana etthu emosa yaamukhaani va nuumala yeela, yoolempwa emosa yaamukhaani kintthun'aka olavula. Vano mmumule okathi vakhani paahi nwiriyane oratteene, kinimoovahani etthu eri yootutuxa, enkela mwa yeela. Munnona?

Khiivo etaphuwelo ya orere wa mwaalo eriyari ya emalelo y'okathi ula ni Orwa wa Kristu. Sothene, khiivo etthu ehanle. Atthu a Isarayeli ari elapo aya? Hiyo noosuwela eyo. [Muthukumano oniira, "Amen."—Mol.] Hiyo niri Okathi wa Lawotiseya? ["Amen."] Mutthaka w'okathi ula wa pentekosite wookhuma, wira ophavele waatatha atthu wira etthikele Eparakha yooloka ya pentekosite? ["Amen."] Khula namitthaka ookhumelela moovirani w'okathi, etthu emosaru voolikana-ene?

["Amen."] Ilapo sinituphela ilapo sikina? ["Amen."] Iretta? Yookhala etala mulaponi olelo, Ekereja y'ekeekhai yeettihaka ikilomo sene ephavelaka wiiwa Masu a Muluku? ["Amen."] "Kahi mwaha wa yolya paahi, masi wo wiiwa Masu a Muluku." Enimoorwa etala. ["Amen."] Eyo ekeekhai? ["Amen."] Vano, hiyo ninkhala eriyari ene ya yeeyo, naanaano va. ["Amen."] Munnoona vary'ahu? ["Amen."] Hiyo ninlipelela Nluku nenlo.

¹⁹⁵ Yoohimya yootutuxa! Okhuma okathi Muluku omuhimenry'awe natiri Abrahamu... Muhihaleele ela. Okhuma okathi Muluku omuhimenry'awe natiri Abrahamu, Maphattuwelo 12:3, mpakha okathi wa Kristu okhoottiwa eyaakha 33 D.C., n'aYuta; nittharihaka aKalasiya 3:16 ni 17, ni nittharihaka eyaalikelo y'okathi ya Usher, ya U-s-h-e-r, eyaalikelo y'okathi ya Usher w'aHeperi; owerya wa Muluku waari n'aYuta iyaakha ekonto emosa n'imiya thanu na xexe ni miloko mithanu na xexe. Muluku avaraka muteko n'aYuta iyaakha ekonto emosa n'imiya thanu na xexe ni miloko mithanu ni xexe, otthariha eyaalikelo y'okathi y'aYuta, ni otthariha aKalasiya 3:16 ni 17. Kookhalana-tho Soolempwa sikina, masi kinivaha yeeyo paahi.

Vano, awo nuumala omukhootta Kristu, Owo aarukunuwenle Amalapo, wira aakuxe atthu mwaha wa Nsina Nawe. Munnitthuna Yooolempwa ya yeeyo, nipuro nene? Miteko 15:14.

¹⁹⁶ Vano, naalikelaka okathi, ninniphwanya wira vekeekhai nirina (nwiriyane) iyaakha muloko ni thanu na piili sihanle, nto ninookhalana okathi mmosaru nivahiwaahu hiyo, Muluku avaraka muteko ni hiyo mwa owerya wa Eroho Yowarya, okhuma eyaakha 33 D.C. mpakha 1977. Okathi mmosaru, wa iyaakha ekonto emosa n'imiya thanu na xexe ni miloko mithanu na xexe, Muluku onivara muteko ni hiyo siiso ntoko Owo sivanry'awe n'aYuta. Ankhi iyo!

¹⁹⁷ Vano, mulepe muliivuruni mw'anyu, Yooolempwa yaamukhaani va kintthun'aka woovahani. Onamukuttho 25, opacerya versiikulu 8. Muluku aanimukhuwelela yopeeli, khula eyaakha yanamiloko mixexe ni thanu na xexe. Eyaakha yanamiloko mithanu aakhala yopeeli. Hiyo noosuwela eyo. Hiyo noosuwela saana yeeyo. Okhuma yopeeli oopacerya, a Onamukuttho 25:8, 1977 onrowa okhala yopeeli a namiloko mithanu na miili, sikhalihaka iyaakha ikonto tthaaru n'imiya xexe ni miloko miraru. *Yopeeli*, enihimya, "Owela! Otaphuwa!"

Oh, hiyo ninwehererya orwa wa Nihiku nle n'otthapa na Mileeniyu,
Okathi Pwiy'ahu oottotopeliwa onrw'awe
omukuxa Mwaakameliwa Awe onwehererya;

Oh, olumwenku onimwiipulela, wunlelaka
 nihiku nenlo n'otaphuwa woosivela,
 Okathi Moopoli ahu ontthikel'awe-tho elapo
 ya vathi.

¹⁹⁸ Muhiiwa saana yeeyo? [Muthukumano oniira, "Amen."—Mol.] Muluku oovara muteko ni hiyo okathi woophiyerya Owo ovanry'awe n'aYuta. Okhuma okathi Owo omuvahaly'awe natiri Abrahamu, mpakha okhoottiwa wa Mesiya eyaakha 33 D.C. saari iyaakha ekonto emosa n'imiya thanu na xexe ni miloko mithanu ni xexe. Nto vano nirina iyaakha muloko ni thanu na piili sihanle. Naahikhalana iyaakha soophiyaka ekonto emosa n'imiya thanu na xexe ni miloko miraru n'itthu. Nookhalana iyaakha muloko ni thanu na piili sihanle, mpakha 77, onrowa okhala yopeeli anamiloko mithanu na miili okhuma woopaceryani w'ayopeeli. Nto enrowa okhala exeeni iyo? Oh, munna! Nwehe oratteene vano. Muhihaleele. Onrowa okhala yopeeli w'owela wa Mwaakameliwa Mmalapo, vano nto otthika wa Kristu w'aYuta, okathi ankhum'aya mw'epothhani. Amen! Khamunoono? Okhuma mulaponi mothene, awo aathukumana iwe mwaha wa nihiku nenlo. Oh, wulu! Munnoonno vary'ahu? Khanisuwenle okathi zeeni ekhanly'aya wiiraneyaka. Hiyo niri okathi wookiserya.

¹⁹⁹ Vano nwiiriyane. Wa nyuwo atokweene va mu—mukereja, munikhala vaava okathi munci-ene, kintthuna wira nwehe etthu emosa. Kiira kihinasuwele ela mpakha nsana; kiphwanyale mwa mulipa-oolepa sookhumelela, Paulo Boyd, vano nto... Vano kitthara mwa Soolempwa, khukuxa mahiku ala makina va, ni siiso, nto khuphwanya, khutthara, khuphwanya.

²⁰⁰ Vano, 1933, okathi waakokhorelak'ahu wenna nno empa Masoni, weiwo ekereja ya Kristu ery'aya olelo. Voosiisu umosa wa Abril, kihinatthi okhuma owaani. . .

Kaavahererya ekaaro aka. Kookhalana ekaaro emosa muthinto 33, nto kaavaherera muteko w'Apwiya. Nto mwa yoowoona emosa, kaahoona okathi wookiserya. Vano nwehe moota ery'aya yootutuxa ela, khalayi wu kiry'ene mwammiravo paahi. Nto munooverya otthokelela ekaaro ya muthinto ya 1933 yaakhalak'aya, vano, etthu yaakhalak'aya.

Vano miyo khurora iwe empa Masoni, weiwo... Amosa-amosa wa nyuwo atokweene mu munuupuwel'anyu. Yoolempwa vapapheloni ya khalayi, owaani. Yoothittiwa ni yoorowa molumwenkuni mothene. Munnona? Waari 1933. Kaahihimya khalayi ene wira yaamukhala ehasara yuulupale yaarowa okhumelela Estadu Unidu ula ohinatthi mwaakha 1977 wala mwaakha ene yoowo. Akavi anuupuwela miyo kihimiyaka yeeyo? [Atokweene aniira, "Amen."—Mol.] Nkawehani matata. Vekeekhai.

201 Vano nwehe. Kaahihimya khalayi ene itthu thanu na piili saahalela okhumelela sa...ehinatthi emalelo ela yuulupale ahiiso etthu yuulupale yaarowa okhumelela nno Estadu Unidu, etthu yuulupale yootakhala. Miyo khwira . . .

Vano muupuwele, eyo yaari ehinatthi opacerya. Miyo khwira wira naamukhalana Ekhotto Yaneili ya Mulaponi mothene. Akavi anuupuwela okiwa kihimya? Mwiire, "Amen." [Muthukumano oniira, "Amen."—Mol.] Vaareera. Ekhotto Yaneili ya Mulaponi mothene! Miyo khwira, "Mukhulupale vano ori . . ." Kitakahale olepa ela mwa yoolempwa ya khalayi, nlelo, etthu ya khalayi nsana, wira, "Mukhulupale orin'ahu vano," yoowo aari . . . Akavi anuupuwela wira aari pani? [Munna mmosa oniira, "Franklin Roosevelt."] Franklin D. Roosevelt. Miyo khwira, "Mukhulupale orin'ahu vano onookhalana erumelo imaara xexe," owo aari mwa yoopacerya awe okathi uwo, "onookhalana erumelo yaneexexe, nto hiyo ninookelihiwa Ekhotto Yaneili ya Mulaponi mothene."

202 Miyo khwira, "Mulipa-ooruma onkhumelela vano wItalia, okhanle Mussolini, owo onoophwanya owerya. Ni onoorowa wEtiopiya, nto Etiopiya onoomorela munawoni mwawe." Aakhala atthu akilanthé va naanaano ansuwela, wira nookhala nikhuru n'atthu yaarwiiye khukhala vaavo, okathi waarin'aka muthukumano aka Musaala Redman ohitto iwe ohiy'ule, okathi warin'aka orowa weiwo olaleerya yeeyo, Musaala Redman, ni kaarowa okumihiwa musaala mwaha w'ohimya etthu ntoko eyo. [Munna muthiyana Wilson oniira, "Amen. Eyo ekeekhahi."—Mol.] Ayo. Muhano Wilson, Koosuwela wira mwa . . . ["Ti yeeyo."] Ti yeeyo. Okathi ohimaly'aka yeeyo . . . Masi owo aahiira? "Masi," Miyo khwira, "owo onrowa okhalana emalelo yoowuliha muru," vano vaahiiraneya. Owo ni muthiyana eettan'awe, yaaroorukunxeliwa vathi khuhomphwa ni mukhoyi mphironi, ni inawu saya osulu, ikuwo saya sipuruleyaka vathi. Vaareera, eyo yaahiiraneya.

203 Vano nto kaahihimya wira, "Muthiyana ootthuniheriwa omwiira mwaathanle. Yeeyo ekhanle etthu yootakhala wa elapo. Ni, mwa othanla, nihiku nlo awo anoomuthanla mulopwana oohiloka." Ni awo ahiira yeeyo mwaathanle ola ookisira. Wulu, wulu! Xexe . . . (Miyo khwira, "Siyensiya onookelela ohoolo mwa enamuna emosa . . .") Nnari, va, eyo ti yaneeraru. Kileveleliwe.

204 Ela ti yootharelana, vale, yaneexexe. Miyo khwira, "Ekhotto ahu enrowa okhala ni Alemaanya, vano awo anoorowa oteka nipuro nimosa nuulupale na kokotto wira yiilipiherye memmo, vano atthu a wAmerika anoophwanya oxinttiwa wootepa otakhala." Muluku oowerya sothene onnisuwela, Yoowo kiry'aka ohoolo wawe vano, kaahiwoona aNazi ale ootaphuwa waavaha mukhutaape atthu a wAmerika siiso, ni itthu, vaxirini vaavo. [Mulopwana mmosa vamuthukumanoni oniira, "Amen."—Mol.] Ni aakhala amiravo anci-ene amphwanyaneya va naanaano

yaari Mukaano Siegfried yoowo, ansuwela yaari exeeni. [“Amen. Ayo, mulopwana. Amen.”] Nto muupuwele, eyo yaari iyaakha muloko n’imosa Mukaano Siegfried ohinatthi otekiwa. Muluku t’ekeekhai? [Muthukumano oniira, “Amen.”] Owo nlelo onnihimya khalayi ene itthu sinrowa okhumelela? [“Amen.”] Nwehe. Eyo, eyo yaari yaneexexe.

²⁰⁵ Vano etthu yaneethanu. “Siyensiya onookelela ohoolo mwa enamuna emosa enrowaaya opakiwa ekaaro ehinrowa weettihiwaka ni eleemi. Nto ikaaro sinrowa otthikela sipakiwaka ntoko nooce, mpakha woomalelani, okathi wookiserya. Kaahoono emusi emosa ya wAmerika erowaka mphironi, ephiro emosa yootaphuwa, yeetihaka ekaaro erukunuwenle-ene ettuli weiwo waatthuneya eleemi okhala, yaakhala ntoko yaamuttikha musewe xatrexi wala iturufu.” Vano nookhalana eyo. Eri mutelevisawuni. *Popular Science, Mechanics*, kiireke, atthu othene aakhalana. Nookhalana ekaaro ene. Eyo eneetthiwa ni eremooti, ni—ni rataari. Iyo khasinrowa hata otthunaneya okhalana eleemi. Munootthitta paahi ntoko sa, ntoko munimutthitta telefooni anyu, vano ekaaro anyu enimoorihani weiwo; khenipittuwa, nnakhala etthu, khasinkhala hata ikaaro sikina. Makineeti anoorakamihela sikina wa nyuwo. Munnona? Awo aakhalana. Oh, wulu! Muupuwele yeeyo. Kaahihimya iyaakha miloko miraru ehinatthi okhumelela!

²⁰⁶ Vano, eyo yooniruhela othanliwa wa Mukhulupale Kennedy.

Nto ekaaro ela erwaaka va—vanlakani, eruuhaka itthu thanu (mwa thanu na piili) simanle okhumelela voolikana ene.

²⁰⁷ Vano, kaahihimya, ni koohimya, “Kaahimoona muthiyana mmosa muulupale aakhumelenle, ooneya okhala ooreera, owanre-ene ekuwo yoophilivila ntoko y’emwene.” Nto kookhalana iparentesi sikhaani va, “(Owo aari mulipa-ooruma muulupale Estadu Unidu; khino ekereja Katolika.)” Muthiyana mmosa, muthiyana; nkisuwenle sinto enrowa okhala ekereja Katolika. Nkisuwenle. Nkikhanle ohimiyaka. Etthu emosa paahi koonaly’aka, kaamoonale muthiyana, yaari yeeyo tu.

²⁰⁸ Masi ela elapo ya muthiyana. Elapo ela nummaru muloko ni tthaaru, mwa moolumo eeprofeta. Eyo erina malepa muloko ni mararu, ittheneeri muloko ni tthaaru. Eyo epacenrye ni ikooloniya muloko ni tthaaru. Muloko ni tthaaru, muloko ni tthaaru, sothene muloko ni tthaaru. Enikhumelela kapiitulu 13 ya Wiisuupulula, nave. Eyo ti muloko ni tthaaru. Ni eyo elapo ya muthiyana.

²⁰⁹ Ipwaro sa milattu s’omwalana wAmerika sinnikhumeleliha omwalana wunci-ene, n’athiyana ahu, ovikana ilapo sothene sikina. Ikano mulaponi mwahu soomora, ni omwalana, ovikana oFransa wala wItalia, weiwo onamuttompe ory’aya mphironi.

Vano, awo anamittompe; awihu athiyana ootheliwa ankhala n'alopwana anci-ene, ni alopwana anci-ene oothela ephavelaka okhala n'athiyana akina.

²¹⁰ Ilapo weiwo awo arin'aya waatteya, ory'aya imaara ekonto emosa vooreera. Nave, nlelo, waatteya etthu yoonanara, hiyo noosuwela. Masi, enooniherya paahi moota nry'ahu oohononeya.

²¹¹ Kookhalana ekapatti vale y'epaphelo ya ihapari, vaavo yoonihery'aya wira okathi amiravo ahu a wAmerika yaarowaly'aya ilapo s'okhopela, ekhotto ela yookiserya, oophiyaka, kookupali wira, yaari oophiyaka ipursento miloko mithanu na miili. . . Vano, vano, nwehererye minuutu mmosa, kookupali wira yaari araru w'axexe yaaronwe ilapo s'okhopela, yaahimwalana n'axaar'aya ehinatthi ohokolowa. Nto ehapari aya yuulupale enihimya wira, "Exeeni ekhumelenle n'ikano s'atthu ahu a wAmerika?" Munnuupuwela wira mwaahoono? [Muthukumano oniira, "Amen."—Mol.] Othene anyu mwaahoono, kookupali. "Exeeni ekhumelenle n'ikano s'athiyani'ahu a wAmerika?" Ikaafirika, sinvara muteko iwe n'alopwana akina. Ela elapo ya muthiyana. Enrowa okhalana exeeni? Muthiyana muluku, ahiiso eemuluku.

²¹² Vano, nto, nuumala yeeyo, kaahirukunuwa kiweha. Nto kaahoono elapo ya Estadu Unidu ila evarelaka mooro ntoko makhala a mooro, miyala saarophuleya. Nto yaamuvarela ntoko ni—nikuttha na mooro na miritta, wala etthu yaapaheiyee. Nto kaahiweha ottaiwene ntoko saawery'aka wona, vano eyo yaahiphuleya. Vano nto yoowoona ene khukihiya. Thanu mwa tthaaru sihiiraneya. . . ahiiso thanu mwa thanu na piili, kiireke, sihiiraneya.

²¹³ Nto enoorwa va ni wooniherya. Vano nto kaahihimya. Nkinahimyeke wira Apwiya aakileela eyo, masi kiry'ene vooisi'ule mukereja, miyo kaahihimya, "Enamuna enikelel'aya ohoolo. . ." Kaahirowa omukaanoni wa exiri aya, khutthimaka mpakha omukaanoni wa exiri ekina. Miyo khwira, "Enamuna munnuwelo onikelel'aya ohoolo, kinoohimya wira okathi. . . Miyo nkisuwenle mwaha wa xeeni enihimery'aka yeela. Masi kinnihimya wira sothene sinrowa okhumelela eriyari ya vano, 1933, ni 1977."

Nto kihisuwelaka, Muluku onnisuwela murim'aka, kiira kihinatoko osuwela mpakha nsana, wira 1977 onookhala yopeeli, ni vekeekhai okathi ene yoowo woomalihereya Owo aamuvahaly'awe Isarayeli, ni sothene wookiseryani. Tivo hiyo niri va. . . Ni hiyo niri va woomalelani w'okathi, okela w'esumana yanamiloko mithanu na miili. Khanisuwenle okathi xeeni Ekereja enrowaaya. Oh, wulu! Niireke exeeni, apatthani? Niri vayi hiyo?

214 Munnoona vary'ahu vano? [Muthukumano oniira, "Amen."—Mol.] Munnisuwela saana esumana yanamiloko mithanu na miili ya Daniyeli vano? ["Amen."]

Moone, vano, nakelela-ru Ikanyeryo iya n'itthu, otaphula Ikanyeryo iya. Yoopacerya enimoorwa, mulipa-ooweettiha ekhavalalo yootteela, ni ookhalana muura mmatatani. Nkanweheni mutthu uwo ti pani. Nkawehani ekhavalalo eyo yottweelela enoorwa nuuvira yoowo. Munnona? Nkawehani ti pani, ni nwehe moota ankel'aya. Nkaaweheni ale ikonto miloko muloko ni miloko mixexe n'atthu ikonto xexe ekelaka. Nkanweheni mwali harus i ule oorupa okathi onoorwaawe. Vano nwehe itthu iya sothene wiiraneya, omwaraxiwa wa Mihasa, Otakhaliwa, irooho tthaaru soonanara ntoko anaphulu. Nwehe itthu iyo moota sinlikan'aya oratteene muhasarani mme, vekeekhai okathi simmwaraxiwaaya. Khula okathi Ekanyeryo yaataphuwaaya, ehasara yaanikhuma, ni opwetexiwa waanirwa. Ni nwehe etthu eniiraneya naanaano va woomalelani.

215 Nto, oh, nkaaweheni maprofeta ala mararu...maprofeta ala maili, okathi ankhumelel'aya va. Nto eriyari y'esumana, awo aniwmiiviwa siiso, vano nto enoopacerya Ekhotto ya Harimaxetoni. Vano Muluku onoopacerya olavula, Mwaneene, vano Owo onoovenya onapacerya owana. Maprofeta ale anrowa ohononaka elapo. Awo anrowa olaleyaka Nsina na Yesu Kristu. Awo anrowa opatisaka enamuna emosaru. Awo aniira etthu emosaru apentekosite oopacerya, axitiithi yiiraly'aya, ni anci-ene animwaatthara. Masi ale yaataanale, mutthenkes'ole, waahikelela ohoolo orowaka, nave hata owerya wa maprofeta ale khiwaakawanyehale. Nto vookiserya awo yiirale, "Ninrowa okhaliha yothene eyo mutthenkeso." Nto owo onikeliha-mo (exeeni?) yootakhala yoowuuliha muru, Romanismu, wira okhuneelele etthu yothene, eniruuha opwetexa. "Yoowuuliha muru eniruuha opwetexa," enaakhela sothene, "otakhala."

216 Muupuwele, mai namararuwa a khalayi aakilanthe vasulu va nxeni, aawanre ikuwo soophilivila siiso, aarina miru mithanu na miili ni manyaka muloko. Munnuupuwela yeeyo? "Ni aahikhalana muhasa mmatatani mwawe, sa soonanara soowuuliha muru." Owo waari mwixuttiho awe aavah'awe atthu. Nto niri vo, axinn'aka. Hiyo niri okathi wookiserya.

217 An'aka, hiyo khaninsuwela, khino pooti ohikhala wira nitthike-tho ohiy'ula. Khino hiyo pooti ohikhala wira noonane-tho mmosa ni mukhw'awe. Miyo nkisuwenle. Masi, emalelo eri vakhiviru, emalelo eri vakhiviruxa. Yoolempwa t'ila va. Ti yoohivaanyiheya, eyooniheryo, yoolikana ya Soolempwa.

218 Vano, yakhala etthu muhiwaly'anyu saana, mukilepele epaphelo mukihye kisuwele. Munnona? Muhimye etthu. Amosa-amosa a nyuwo axinna iwo mufiitani, ipantte sikina, yakhala etthu kinwery'aka wookhaliheryani, mukisuwelihe.

Siiso nyuwo muhiiraanaka ni miyo, ni miyo kihiraanaka ni mutthenkeso anyu; kahi nyuwo, masi enamuna ya mutthenkeso anyu. Miyo nkinivaanyihana n'atthu aKatolika. Nkinihimya wira khanikisivela atthu aKatolika, khanikisivela atthu a mutthenkeso. Kahi yeeyo. Miyo kinnaaphenta atthu othene, masi nkiniiraana ni enamun'eyo enookhalihani ootthukiwa. Ti yeeyo, enamuna aya. Ti yeeyo.

²¹⁹ Miyo nkaari oomunyokha Alemaanya; aari Nazismu. Nkaari oowaanyokha aItalia; kaamunyokha fa—Fascismu. Nto muupuwele, kaahihimya etthu ekina okathi yoowo, ohimya paahi s'ohoolo, ni anci-ene a nyuwo atokweene munnuupuwela. Kaahihimya wira, “Sookhala ismu tthaaru suulupale simphavela okuxa olumwenku olelo: Fascismu, Nazismu, ni Komunismu.” Nto kaahimye exeeni? “Sothene saarowa omalela ni Komunismu.”

²²⁰ Vano kaahootthikelihani nyuwo othene, “Mmuwehexaxe Ruusiya.” Munnuupuwela yeeyo? “Mmuwehexaxe Ruusiya. Othene onrowa omalela ni Komunismu.”

Vano nto vookiserya sothene, sinrowa, omalela ni eKatolika. Muupuwele, sothene sinrowa omalela ni eKatolika okathi wa woomalelani. Eyo ekeekhaii voolikana. Eyo enrowa okhala Okhottoni wa Harmaxetoni, eniireya vaava *va*, okathi Kristu onrwaawe, Mwaneene.

²²¹ Masi maprofeta ala mararu . . . Iyaakha iya tthaaru ni nuusu, kiireke, ti Wiisuupulula 11:3, nyuwo moosoma imaara sinciene, “Kinimwaavaha owerya anamoona Aka aili, vano awo anoolaleerya mahiku ekonto emosa n'imiya piili ni mahiku miloko mithanu na mosa.” Enkhala kavi yeeyo, mahiku ekonto emosa n'imiya piili ni mahiku miloko mithanu na mosa? Iyaakha tthaaru ni nuusu. “Nto vano awo aniwmiiviwa mphironi,” eriyari ene y'esumana yeela yanamiloko mithanu na miili.

Tivo, munnoona vary'aya isumana miloko mithanu na miili sa Daniyeli? Munnoona vankhal'ahu? [Muthukumano oniira, “Amen.”—Mol.] Niri woomalelani, apatthani aka oophentiwa. Niri woomalelani. Mahiku . . .

Maloko anoophweeyasa, Isarayeli onoovenya,
Ithooneryo yaahimye maprofeta; (Hiyo nri
va.)

Mahiku a Amalapo t'owaalakeya, (*va*) ni
oowaatta oxanka;
“Mutthikele, yawinyu, O oomwaramwareya.”

Nrowe niipe yeeyo:

Nihiku noovuluxiwa nri vakhiviru,
Mirima s'atthu sinooxanka mwaha wo woova;
Musarihiwe Eroho, mithuko sanyu soolikana
ni soowooneela,
Nwehe osulu, ovuluxiwa wanyu ori vakhiviru!

Oh, wulu! Eyo kahi yooreerexa?

Maloko anoophweeyasa, Isarayeli onoovenya,
Ithoonyeryo yaahimye maprofeta;
Mahiku a Amalapo t'owaalakeya, ni oosareya
oxanka,
“Mutthikele, yawinyu, O oomwaramwareya.”

Vano hothe.

Nihiku noovuluxiwa nri vakhiviru,
Mirima s'atthu sinooxanka mwaha wo woova;
Musarihiwe Eroho, mithuko sanyu soolikana
ni soowooneela,
Nwehe osulu, ovuluxiwa wanyu ori vakhiviru!

Mukihiye kiwiipeleni eversu emosa yaamukhaani.

Maprofeta owootha animootha, Ekeekhai ya
Muluku anoookhootta,
Wira Yesu Kristu ti Muluku ahu;

Awo animukhaliha Owo Mutthu aneeraru. Moosuwela eyo.
Masi, Owo kahiyo. Owo ti Muluku ahu.

Masi hiyo ninimweetta vaavo arummwa
yaanyakenly'aya.

Tthiri nihiku noovuluxiwa nri vakhiviru,
Mirima s'atthu sinooxanka mwaha wo woova;
Musarihiwe Eroho, mithuko sanyu soolikana
ni soowooneela,
Nwehe osulu, ovuluxiwa wanyu ori vakhiviru!

²²² Khamutteeliwe murima? Otthikela Mutthaka, munna!
Otthikela yooloka! Omutthikela pentekosite! Otthikela
eparakha y'ekeekhai! Otthikela Nsina na Yesu Kristu!
Otthikela opatiiso wa Eroho Yowarya! Otthikela ithoonyeryo
ni mitikiniho! Omutthikela pentekosite! Ohiya mutthenkeso!
Otthikela Eroho Yowarya! Eyo ti Mwiiixuttihi ahu.

Tthiri nihiku noovuluxiwa nri vakhiviru,
Mirima s'atthu sinooxanka mwaha wo woova;
Musarihiwe Eroho, mithuko sanyu soolikana
ni soowooneela,
Nwehe osulu, ovuluxiwa wanyu ori vakhiviru!

²²³ Eyo kahi yooreerexa? Profeta ohimye exeeni? “Onimoorwa
okathi onrowa okhala, muhinrowaanyu ohimya wira ohiyu
ahiiso othana.” Nkawehani moota onkhal'aya. Munnona? Oh,
vootakhala, moovirani w'okathi wa ekereja!

Masi o—onookhala Waarya okathi wa
 makaaripi,
 Ephiro ya Moovuwani vekeekhai
 munoophwanya;
 Mphironi mwa maasi ori Waarya olelo,
 Woopwinihiwa mu Nsina nooreera na Yesu.
 Amiravo n'atokweene, muttharuwe itampi
 sanyu
 Eroho Yowarya vekeekhai enookela;
 Waarya nno wa makaaripi ohoorwa,
 Ti ekeekhai wira Muluku ni Kristu ari
 Mmosaru.

Onookhala Waarya (Othene vamosa!) okathi
 wa makaaripi,
 Ephiro ya Movuwani vekeekhai
 munoophwanya;
 Mphironi mwa maasi ori Waarya olelo,
 Woopwinihiwa mu Nsina nooreerexa na Yesu.
 Amiravo n'atokweene, muttharuwe itampi
 sanyu sothene,
 Eroho Yowarya vekeekhai enookela.
 Tthiri Waarya wa makaaripi ohoorwa,
 Ti ekeekhai wira Muluku ni Kristu ari
 Mmosaru. (Kahi araru; masi Mmosaru!)

224 Otthikela Mutthaka! Otthikela wopaceryani! Otthikela ele
 Paulo iixuttihaly'awe! Otthikela opatiiso owo opatisann'awe!
 Owo aahiwoona atthu yaapatisiwe enamuna ekina; owo
 khwaahimeerya wira erwe epatisiwe-tho. Owo khwira,
 "Nakhala Nlaikha ninrwa okhuma Wirimu, khulaleerya etthu
 ekina, Nlo nitakhaliwe." Tivo, vakhanly'aya otthikela-tho
 Mutthaka, mpatthani! Ola okathi wa makaaripi.

225 Oh, miyo kinnimpheenta Owo vanci-ene! Ankhi nyuwo?
 [Muthukumano oniira, "Amen."—Mol.] Akavi anoona esumana
 yanamiloko mithanu na miili ya Daniyeli vano, ni anoona ele
 ekhanle esumana yanamiloko mithanu na miili? Akavi anaamini
 yeeyo? Mwiire, "Amen." ["Amen!"] Amen! Attotopeliwe
 Muluku!

226 Vano, etthu xeeni enttharelana? Ikanyeryo Thanu na piili
 vano. Ninoophiyerya yeeyo Apwiya yaatthuniherya vale. Onrowa
 okhala liini, miyo nkisuwenle. Okathi Awo anrowaaya ovaherya,
 nto ninookela mwa yeeyo naanaanoru. Vano ninoorowa okhalana
 muthukumano woolekela, woolekelaxa, 'okhala wira enrowa
 okuxa okhuma kapiitulu 6 mpakha 19, wira kimalihe, ni ntoko
 siry'aka oopisa ni yeeyo.

227 Vano, nkinthuna wira akhale mutthu onikhuma ahiwale
 oratteene yeela. Efiita nlelo enooruma. Nkinthuna hata
 mutthu ohiwa oratteene. Muhivonye wiiwa vano, ni wira,

“Munna Branham ohimye wira Yesu onimoorwa 1977.” Miyo nkinahimyeke etthu ntoko eyo. Yesu pooti orwa olelo. Masi kiroohimya s’ohoolo wira eriyari ya 33 ni 77 etthu emosa enookhumelela, wira itthu iya koonaly’aka sikhumelelaka, mwa yoowoona, saamurowa okhumelela. Ni thanu sa seiyo sookhumelela. Ni kookupali, n’itthu s’atomu sirin’ahu vano . . .

228 Nto muhona etthu Mukhulupale ahu omanly’awe ohimya? Ontthuna ekhotto ekina. Owo ontthuna akhalihe ethoonyeryo ya—ya oBerlin, sihimmy’awe. Aatthuna akhalihe ethoonyeryo. Ankhi Cuba nno mukhor’ahu w’ottuli? Ankhi ohimukhalihaka ethoonyeryo yoowo? Ankhi yoowo? Oh, eyo ethiru! Munnona?

229 Oh, munna, hiyo niri woomalelani tu. Awo anrowa . . . Eyo enrowa omalela siiso ntoko Muluku sikhimaly’awe wira ti yaary’aya, vano exeeni e—eniphwanyihani wira etthu p’itthu ohikhanle osoma paahi ele Owo ohimmy’awe, n’ukhala saana, ni okhala oolikana wa yeeyo. Ni ohiya eyo orwa, nto. Hiyo ninwehererya yeeyo.

Hiyo ninniwehererya orwa wa Nihiku nlo
nootthapa na mileeniyu,
Okathi Pwiy’ahu oottottopeliwa onrw’awe
omukuxa Mwaakameliwa Awe onwehererya;
Oh, elapo ya vathi enniipulela, yinlelaka
nihiku nenlo na ovuluxiwa woosivela,
Okathi Moopoli ahu ontthikel’awe-tho elapo
ya vathi.

Oh, Pwiy’ahu onimoorwa-tho elapo ya vathi,
Ayo, Pwiy’ahu onimoorwa-tho elapo ya vathi,
Oh, Satana onrowa otthukiwa iyaakha ekonto
emosa, khaninrowa okhalana mulipa-
ooweererya nto,
Numala Yesu orwa-tho elapo ya vathi.

Akavi ari oolikana? Nvenxe ntata. Oh, wulu!

Oh, Pwiy’ahu onimoorwa-tho elapo ya vathi,

Nrowe nivenye paahi nivahane matata mmosa ni mukhw’awe.

Pwiy’ahu onimoorwa-tho elapo ya vathi,
Oh, Satana onrowa otthukiwa iyaakha ekonto
emosa, khaninrowa okhalana mulipa-
ooweererya nto,
Numala Yesu orwa-tho elapo ya vathi.

Oh, Pwiy’ahu onimoorwa-tho elapo ya vathi,
Ayo, Pwiy’ahu onimoorwa-tho elapo ya vathi,
Oh, Satana onrowa otthukiwa iyaakha ekonto
emosa, khaninrowa okhalana mulipa-
ooweererya nto,
Numala Yesu orwa-tho elapo ya vathi.

Othhika wa Yesu onrowa okhala waakhula wa
 mixankiho ni wunla wa mulaponi,
 Maana osuwela w'Apwiya onoosariha elapo,
 ephareya n'erimu;
 Muluku onookumiha iretta sothene ni maithori
 a ohaawa onookukuttha,
 Numala Yesu orwa-tho elapo ya vathi.

Oh, Pwiy'ahu onimoorwa-tho elapo ya vathi,
 Ayo, Pwiy'ahu onimoorwa-tho elapo ya vathi,
 Oh, Satana onrowa otthukiwa iyaakha ekonto
 emosa, khaninrowa okhalana mulipa-
 ooweererya nto,
 Numala Yesu orwa-tho elapo ya vathi.

²³⁰ Oh, wulu! Khamunoona oreera? [Muthukumano oniira,
 "Amen! Aleluya!"—Mol.] Muupuwele, apatthani, ola
 pentekosite, mukokhorele! Ola pentekosite. Nrowe noope ikuphi
 nto niipe. Atthu apentekosite, atthu othene, vano mwiitaphule,
 mukumihe okhaleleya iwo wa khalayi w'eMetotista vano. Haya,
 nrowe niipe!

Oh, Pwiy'ahu onimoorwa-tho elapo ya vathi,
 Ayo, Pwiy'ahu onimoorwa-tho elapo ya vathi,
 Satana onrowa otthukiwa iyaakha ekonto
 emosa, khaninrowa okhalana mulipa-
 ooweererya nto,
 Numala Yesu orwa-tho elapo ya vathi.

Oh, Pwiy'ahu onimoorwa-tho elapo ya vathi,
 (Bibilia ohimye siiso!)
 Pwiy'ahu onimoorwa-tho elapo ya vathi,
 Satana onrowa otthukiwa iyaakha ekonto
 emosa, khaninrowa okhalana mulipa-
 ooweererya nto,
 Numala Yesu orwa-tho elapo ya vathi.

Munnimpenta Yoowo? [Muthukumano oniira, "Amen."—
 Mol.] Vaareera. Kinnimpenta Owo. *Miyo Kinnimpenta Owo*,
 Munna Gibbs. Oh, nrowe nimuvenxerye matata Yoowo paahi
 vano.

Miyo kinnimpenta Owo, miyo kinnimpenta
 Owo
 Okhala wira Owo t'opacene okiphenta miyo
 Nto oothuma woopo-... (Woowi? Wenno nno
 oKalvario.)
 Vamwirini w'oKalvario.

Miyo kinnimpenta Owo, (Ovuwa!) Miyo
 kinnimpenta Owo
 Okhala wira Owo t'opacene okiphenta miyo
 Nto oothuma woopowa waka
 Vamwirini w'oKalvario.



ESUMANA YANAMILOKO MITHANU NA MIILI YA DANIELI EMK61-0806
(The Seventieth Week Of Daniel)

ETTHARANELO YA ISUMANA MILOKO MITHANU NA MIILI SA DANIELI

Mutthak'ola wa Munna William Marrion Branham, opaceryawene olaleeriwe ni Enkelesi Ettiminku vaasiisu, mahiku yeettaka 6 mweeri wa Agosto, 1961, oBranham Tabernacle oJeffersonville, Indiana, wAmerika, okuxiwe wo okaravariwa mufitani ya makineti khulempwa wothene ni nntaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopolo mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitemihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanelle, xontte mulavule ni:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org